

福生
四二九年

第四期

呂祖師降乩題示

福澤未嘗取道行
莫河自是法水空

甲子春

德善通於天人
功善大於濟眾

福星目錄

孝道

仙槎寶筏

太乙金華宗旨

無根樹

修道真言

達摩破相論

百字碑

問道章

福星小引

晚近世風日頹。其所以然者。厥爲道德沉淪所至。
。仙佛憫其苦況。不惜日夕奔走雲端。普施寶筏。
慈航。冀登斯民於覺岸。今集諸仙佛慈訓於一冊。
。宜乎朝夕虔誦。以資惕勵也。
呂祖師降於香江抱道堂
天運癸亥年四月十九日

福星序

集編者無名氏

福星刊行。今已四期。其中義理。明顯入微。字
字金玉。句句慈航。讀之行之。福慧隨身。但願
有志者得悟迷津。有緣者漸入斯道。是冊也。覺
世登真。由斯可得矣。傳者功。印者德。其傳愈
廣。普度愈衆。吾道必亨矣。是爲序。

福星前言

集編者無名氏

道脉源流萬古長。修德行仁百世昌。普願衆生登
覺岸。福星指引是慈航。文章道德。數千年來。
開化民生。維持國本。扶千秋之紀律。正人心與
風俗。歷劫不衰。實有至理存焉。
夫道者。路也。道道行來皆有理。循其理其道自
正。故離其理。則非正道。是以求道。求正門大
道。求理求至善至真之理。故曰正信。又曰理信
。道本自然。無爲而爲。無爲而無不爲。故曰自
然之道。又曰無爲之道。
至性至情之謂德。天性本仁。長養萬物。功成而
不居。天之無恩。而大恩生。夫人稟受於天。故
人性本具天性。良知良能。是以上德不德。下德
執德。不言不執其德。是以有德。人性本善。清

淨自然。純真無爲。是故返本。可以見性。收其
染心。自覺覺他。至性至德矣。至情之義。無論
其爲財爲力。必盡吾之所能。誠實濟人利物。造
福天下後世。是以修之於身。其德乃真。修之於
天下。其德乃普。
三教聖人。抱悲天憫人之心腸。慈愛爲懷。引導
世人登上光明大道。擺脫煩惱迷途。進蒼生於極
樂。立天下之功業。言可以爲千載之津梁。行可
以爲萬世之風範。常善救人。而無棄人。以百姓
心爲心。而無常心。與人同得。與人同有。以其
無量德行。造福無限衆生。聖道盛行。聖賢輩出
。國泰民安。近世異端邪說。渲染惑衆。誤解聖
教。妄作妄爲。任性專橫。致使凶星頻降。罪惡
四起。道之理也。豈有差乎。故非正道。名爲邪

妄。慎之慎之。夫人之本性。天真無邪。故凡生心。即有妄心。着於萬物。執於人我。爭於利害得失。想於所欲所不欲。蓋因緣念起。念起因緣。故對境無心。則不爲六賊所侵。居塵出塵。則不爲萬緣所化。聖師嘗云。『一切唯心心最危。範圍天地發光輝。天心即在人心見。人合天心天弗違。』是故挽回人心。以消世劫。唯楊道德。別無二途。心爲萬法之本。一切唯心所生。道由心學。心由經引。性由心修。聖由心成。德由心積。功由心立。福由心造。禍由心爲。是故善修其心。以證因果。可不慎乎。妄由心生。塵由心染。其心清淨。萬緣不染。是故修靜。清淨其心。可以歸根。

。故歸根曰靜。靜曰復命。是故修道之士。靜功不可缺也。

爲善之道。首具真誠。自善其身。進而善及天下。一切發乎心性。故必先正其心。修養其性。心性端正。良知不泯。惡化難侵。言行自善矣。見善不爲皆惡意。心無善念惡之媒。故善念不可或缺也。爲善本乎仁慈。故德莫過於救人。功莫大於濟衆。是以慈善廣。與善仁。真善誠。心善淵。願善大也。爲人之父母。何如爲天下蒼生之父母。教育兒女。何如教育人群。功於短暫。何如功於久遠。利在一人。何如利在萬民。以道德爲依歸。以誠正爲行持。則行無轍迹。言無瑕謫。謹守五常八德。俯可無愧。則無虧於人倫世道。

以入世之道。普及教育。贊化生民。廣傳聖教。經藉。發揚道德。引導世人。歸於正覺。立德立言立功。則不愧往世之使命。不枉爲人之義矣。人不學。不知理。是以求學。求學求正理。求師求聖賢。聖賢門下皆君子。君子後嗣盡賢良。求學看書。均宜真心誠意。貴乎義理所在。一字一句。不輕放過。以自己之言行。體會聖賢之言行。自己不能行者。立志奮勉力行。有不明者。拜問前輩明師。行之久久。自然而行。行自導循。心自明朗。若或草草看之。心既不明。道理不解。與不看者何異乎。但願有緣看是書者。莫負聖賢婆心。是所厚望焉。

孝道

孝道

文昌帝君元旦勸孝文

帝君垂訓曰。今日是元旦。爲人間第一日。吾當說人間第一事。何謂第一事。孝者百行之原。精而極之。可以參贊化育。故謂之第一事。赤子離了母胎。在孩抱時便知得。故謂之第一事。舍此一事。並無功業。舍此而立言。則爲無本之言。舍此而能功蓋天下。到底不從性分中流出。必作僞以欺國。負本以滅身。天地是孝德結成。日月是孝光發亮。孝之道。言不可得而盡也。爲人子者。事富貴之父母易。事貧賤之父母難。事康健之父母易。事衰老之父母難。事具慶之父母易。事寡獨之父母難。夫富貴之父母。出入有人扶持。居止有人陪從。其願常給。其心常歡。故易事。

也。若貧賤之父母。捨却白髮夫妻。誰爲言笑。離了青年子媳。孰與追隨。人子一日在外。父母一日孤悽。爲人子者。善體其情。能頃刻離左右也乎。健康之父母。行動可以自如。取携可以自便。朝作暮息。可以任意。訪親問舊。可以娛情。故易事也。若衰老之父母。兒子便是手足。不在面前。手足欲舉而不能。媳婦便是腹心。不在膝下。腹心有求而不遂。時而忿忿於內。時而戚戚於懷。爲人子者。善體其情。能頃刻離左右也乎。具慶之父母。日則有以作伴。夜則有以相溫。晝無所事。相與論短談長。夜不成眠。互爲知寒道冷。故易事也。若寡獨之父母。兒女雖有團圓之樂。夫妻已成離別之悲。家庭之內。獨行踽踽涼涼。形影之間。惟有悽悽楚楚。爲人子者。善

體其情。能頃刻離左右也乎。嗚呼。試問身從何來。親爲生我之本。孝爲何事。人所自有之心。見我此章。而不動心者。非人也。見我此章。而不墮淚者。非人也。逆子忤媳。見我此章。而不化爲孝子順婦者。與禽獸何異。人人得而誅之者也。

（按）爲人子者。當其易時。切勿視爲太易。必須刻刻關心。則易者自易矣。當其難時。切勿視爲太難。必須處處盡力。則難者不難矣。尚其加意焉。

呂祖勸孝文

世之人。善莫大於孝。不善莫大於不孝。試思人子墮地時。口舌難言。手足難動。無識無知。爲

之含哺懷抱。體察饑寒。萬惜千憐。非親而誰也。
。則親之耳聾眼暗。齒落筋衰。步履艱難之日。
回思從前。當孝乎。當不孝乎。再思襁褓時。患
瘡患病。遺屎遺尿。與死爲隣。爲之撫摩調治。
推乾就濕。萬苦千辛。非親而誰也。則親之疾病
龍鍾。淹然狀榻。宛轉呻吟之日。回思從前。當
孝乎。當不孝乎。又思長成時。爲之求衣食。完
婚娶。立財產。萬計千籌。非親而誰也。則親之
形骸瘦瘁。精神耗散。非帛不溫。非肉不飽之日
。回思從前。當孝乎。當不孝乎。然而富貴者。
父有家業之豐饒。母有婢媪之使令。而生我鞠我
。顧我復我。教誨遺謀我。罔極深恩。猶難酌報
。而況貧賤者。乃忍饑以食之。忍寒以衣之。劬
勞辛苦以養之。哀哀父母。欲報之德。寧有涯涘

也。至於嫠母存孤。煢煢子立。淡薄自甘。苦節自持。一絲血吮。養育成人。天地爲之改色。鬼神爲之含悽。設有不孝。罪大尋常十倍。或有妾媵生子。遭嫡婦妒之虐。母命險若臨淵。子命危如累卵。僥倖成立。苦楚備嘗。設有不孝。惡加忤逆三重。是故不孝之愆。陽律不赦。陰律所不原。又觀人子自幼而長。長而壯。親之養子之日。頗長。父母自衰而耄。耄而死。子之養親之日。甚短。崦崦暮矣。桑榆迫矣。盡心盡孝。曾幾何時矣。無父何怙。無母何持。言念及此。有不悲不懼者。其人天理已絕。人性已滅。必死賊殃。此自然之理數。故吾普勸世人。我能孝。自無逆子。子能孝。自無逆孫。繩繩克繼。葉葉永昌。善孰大焉。利孰厚焉。詩曰。孝子不匱。永錫爾類。

。詢不誣也。勉哉。

王中書勸孝歌

五言百韻中書名剛唐人

孝爲百行首 詩書不勝錄 富貴與貧賤
俱可追芳躅 若不盡孝道 何以分人畜
我今述俚言 爲汝效忠告 百骸未成人
十月母懷腹 渴飲母之血 饑食母之肉
兒身將欲生 母身如墮獄 父爲母悲傷
妻向夫啼哭 惟恐生產時 身爲鬼眷屬
一旦見兒面 母命喜再續 愛護如心肝
日夜勤撫鞠 母臥濕簟床 兒眼乾被褥
兒睡正安穩 母不敢伸縮 一聞兒啼聲
心驚與胆覆 兒糞不嫌臭 兒病甘身贖
寢食不能安 求神兼作福 橫簪與倒釵

不暇思沐浴
兒若能飲食
玩器隨時蓄
劬勞辛苦盡
禮義父教育
事事竭勤勞
稍積資財殼
欲望子成人
在在籌豐足
有過代掩護
親心千里逐
愛惜千萬般
行止難拘束
媒妁費金錢

兒若能步履
省口恣兒欲
乳哺經三年
兒年四五六
父貧或傭工
江湖隨處逐
只爲養兒計
廷師課誦讀
慧敏恐疲勞
有喜先表暴
日暮未歸來

舉動慮顛覆
兒若能戲弄
血汗耗千斛
衣食父經營
艱辛難盡錄
日日去捱磨
衣食憂窮蹙
紙筆與束修
頑鈍憂庸碌
兒行十里程
倚門繼以燭
性氣漸剛強

爲訪閨中淑
爲免費貲財
釵釧捐布粟
兒長欲成婚

何曾計數目 一旦媳入門 孝思異昔夙
父母面如土 妻子顏如玉 親責反睜眸
妻罵不爲辱 老人慮長遠 言語或重複
親言謂太贅 妻語覺馨馥 母披舊衣裳
妻着新羅服 父慮後母虐 鸞膠不再續
母慮孤兒苦 孀悵甘獨宿 二親或鰥寡
不憐守孤獨 問視總荒疏 糕餌先兒屬
健止與一飯 病止與一粥 衣服患單寒
衾裯先溫燠 膳不祝哽咽 病不知禱卜
老病不問安 服事厭重複 吝財不廷醫
反望登鬼錄 任從婦人門 語語刺心腹
致令老年人 死亦不冥目 一旦到無常
兄弟分田屋 不念創業難 但嫌野非沃
不識二親恩 惟道自己福 忘却本與源

不念風與木 蒸嘗亦虛文 宅兆何時卜
停柩在荒郊 時時聞鬼哭 日久不營葬
無異將尸戮 種種不孝心 還想妄求福
奉勸爲人子 孝經宜早讀 王祥臥寒冰
孟宗哭枯竹 蔡順拾桑椹 賊爲奉母粟
楊香拯父危 虎不敢肆毒 伯俞常泣杖
董永身自鬻 江革甘行傭 丁蘭悲刻木
如何今世人 不效古風俗 人不孝其親
不如禽與畜 慈烏尚反哺 羔羊猶跪足
人不孝其親 不如草與木 葛藟庇本根
桑梓敦和睦 何不思此身 形體誰養育
何不思此身 德性誰式穀 何不思此身
家業誰給足 父母即天地 罔極難報復
親恩說不盡 聊具粗與俗 聞歌憬然悟

省得悲莪蓼 勿以不孝頭 枉戴人間屋
勿以不孝身 枉穿人間服 勿以不孝口
枉食人間粟 天地雖廣大 難容忤逆族
及早悔前非 莫待天誅戮 兒出謀衣食
媳婦須賢淑 翁姑年衰老 抑鬱難盡錄
飲食與起居 賴媳作心腹 奉待要真誠
儀容須溫肅 唐氏乳老姑 鄭妻受賊酷
孝德既彰聞 天心必感觸 憶媳入門時
心血費幾掬 胡存刻薄心 當作路人目
轉眼爲翁姑 果報恆迅速 雨水滴簷前
點點相繼續 若是女兒身 孝恩尤貴篤
木蘭代從軍 緹縈救父獄 效法古之賢
名聲同馥郁 奉勸世間人 愛親如金玉
萬善孝爲先 信奉添福祿

孝順父母十六要

要全天性以樂親生
要和兄弟以慰親心
要憂妻子以解親訓
要慎交遊以免親慮
要動婉容以得親歡
要善奉養以安親身
要勤服勞以適親體
要審寒燠以防親疾
要受偏憎以隱親過
要用機諫以冀親悟
要存天理以報親恩
要全廉恥以保親名
要用善事以求親福
要放生命以保親年
要慎殮殯以護親膚
要急營葬以安親靈

孝順父母十六思

晨昏思親
午夜思親
逢食思親
遇節思親
錢財思親
饑寒思親
疾病思親
喜慶思親

養 兒 思 親
安 樂 思 親

嫁 娶 思 親
憂 患 思 親

誕 日 思 親
遠 遊 思 親

顯 榮 思 親
風 雨 思 親

仙
槎
寶
筏

太上道祖聖認

二月十五日

後學弟子張三峰敬題

一炁三清化運功
百怪羣魔驚懼中

三十三天尊道德
丹爐妙用理無窮

後學弟子純陽敬題

五千字字道之英
參透玄玄即大乘

精處如能真悟得
讀來句句有心聲

玉皇大帝聖認
正月初九日

呂純陽敬題

肅祝

玄穹帝認辰
專誠邀福惠斯民

緣章直上凌霄殿
願賜人間胞與春

上元天官聖誕

正月十五日

呂純陽祖師題示

第一月華圓 祈福禮蒼天 得福厚 在心田

天官神正直 恩賜不能偏

張三峰祖師題示

天官賜下無邊福 不道何人得者多

積善當能如意獲 作惡者 徒喚奈何

福乃自己積來 積不得 求甚麼

濟佛題示

喜逢佳節元宵 正花好月圓時候 誰得天官福祐

獲得道年長壽 好修持 參玄透

佛祖認

四月初八日

文殊菩薩

普賢菩薩

到

我佛渾無着。云何是認辰。菩提心事動。志在度世人。所以隨緣會。佛性自心騰。年年一度認。起信衆無倫。藉此成宏願。引導出迷津。

張三峰祖師認

四月初九日

鍾離太祖師題

菩提心事喜相同

感助吾徒普度功

杯酒言歡華認紀

十分情趣意融融

呂純陽祖師題

六百年前舊溯回

初交猶記在蓬萊

知君濟世心同我

值得桃筵把賀杯

李青蓮仙師題

城郊隱現若神龍
兩代君王玩掌中
斗酒稱臣慚李白
高風還是仰明公

張三峰祖師敬答

愧我此生辰
仙賓盡故人
惟將杯魯酒
聊以謝情真

白玉蟾仙師認

三月十四日

陶真君敬題

慶紀良辰此日逢
桃酒味濃情更濃
道果完成非幸致
巍巍功德受天封

後學劉雲峰拜題

久荷薰陶教益深
交情刻刻銘中心

趨堂拜祝良辰慶
素獲栽成惠賞音

張三峰題贈

純陽有高足
七子讓君先

一悟丹成後
隨普大羅天

白玉蟾敬答

大丹成就荷師成
更感羣仙互助情

友德師恩深似海
大力提携上玉京

濟佛聖誕
五月十六日

鍾離敬題

三藐菩提濟佛心
慈航普度倍功深
願宏每嘆緣人少
五濁娑婆何處尋

濟佛題示

既生何又死。我要逆蒼天。
輪迴無了日。老衲怎心甜。
。打出五行裏。真神萬世存。
。試問諸羣衆。願否同參不死禪。
。大杯酒。又醒天醉萬千年。
。老衲準備慈航筏。度衆同登極樂邊。
。來來來。搭我船。不生不滅。
。逍遙自在永欣然。

呂純陽祖師認

四月十四日

鍾離太祖師題

師生交盞酒微醺
玄妙功深細暢論
汝是吾門秀桃李
發揚宏教只憑君

濟佛題

佛果仙葩取次開
聲聞極樂遍蓬萊
菩提宏願相投契
豈爲桃觴一醉來

李青蓮仙師題

西池王母賜蟠桃
仙子麻姑晉玉醪
三教羣趨蓬島祝
任何典禮比崇高

黃赤松仙師題

萬方弘教到遐鄉
夷夏中州皆道場
笑我小巫慚見大
蒼生慈母是純陽

張三峰祖師敬題

八洞神仙交至深
與公平素更知音
故人今日逢華誕
肅拜崇階表寸心

呂岩題

賤辰勞動及諸天
一感隆情一赧然
酬報自知難萬一
謹將杯酒謝羣賢

鍾離太祖師誕

四月十五日

弟子呂岩敬題

桃觴一飲一沉思
雕朽成材統賴師
高厚未酬逢聖誕
誠惶誠恐拜如儀

以上雖是聖誕祝賀詩。詩中意義。足爲吾人深省。
。覺悟。啓發。有所得矣。集編者

呂祖仙師降示

抱道堂前迎善氣

仙緣同結有良因

消盡功名富貴心

黃梁一夢枉追尋

前後此身誰是我

紅塵看破免淪沉

世人逐慾亂神魂

顛倒陰陽總不分

性命雙修何處是

可憐認幻作爲真

世間一切盡雲烟

滄海有時亦變田

河嶽星辰仍損壞

凡人壽命幾何年

任教彭祖壽元高

八百餘年限豈多

不老長春無別法

還元抱一莫蹉跎

世間學道幾多人

將成又阻是何因

積德立功爲重要

免除孽障保元神

我願含靈盡作仙

同登壽宇永延年

蓬萊不禁人來往。只要凡夫一念堅。
塵世君身萬憲纏。妻恩子愛與金錢。
誰能火宅求靈藥。超脫凡身便作仙。
久歷紅塵世味深。窮通得失夢難尋。
不如遇事行方便。保養慈悲一顆心。
一笑飛身上白雲。天邊招手喚凡人。
我來欲問阿誰醒。大道當前好寄身。

觀世音菩薩訓示

我阿彌陀佛。誓以四八宏願。何其悲愍衆生之深。
。而憂愛衆生之切。更開示蓮宗大法。俾愚夫愚
婦。無能自力生西者。以信願行虔誠切志。修其
淨土法門。其人百年身世考終之日。我佛當可偕
同吾與大勢至。將其靈魂裹以蓮胎帶歸極樂。今

我衆生獲此福德因緣。而竟不早日趁有人生難得之身。切切修持。多積淨土資糧。候我佛引歸西土。殊爲可惜。亦誠愚昧不可及矣。

觀世音菩薩訓示

普度無量數 廣大法王宮 佛法僧三者
皈依心念濃 禪密與淨土 衆生擇一宗
異途歸則一 路路亦相同 不患無究竟
患渠未用功 彼岸非遙達 靈山在眼中
艤定寶筏候 慈航法海通 伊誰修志切
慧悟色和空 龍華會上逢 蓮池花萬朵
胎誕現重重 齊齊見我佛 萬衆笑顏容
回頭看此岸 苦海遍迷濛 受盡諸苦趣
歧路無適從 如何不猛省 佛法最圓融

勿謂修遲暮。猶有夕陽紅。古來逃禪者。不少老英雄。

呂純陽祖師訓示

吾訓弟子。先修其德。慈愛人物。德行自端。仁心待衆。因而佛道之真性。蓬蓬勃勃與日俱生。入道之門。登道之徑。又何難證佛成仙。是以修行之逐步功夫。始於立德行仁。捨此二者。修道無門。是欲修吾道。遠近皆無其徑矣。不是徒然禮懺誦經。行功修命。所能得道也。蓋功之能行者。命之能修。完全是道德仁慈培養得來。知是理者。應以德仁兩字。爲修道基本。基本既立。道根日深。其不證果成真。不可得矣。

呂祖師訓示

每月逢朔望之期。本師必朝天覲聖。順將同門道侶修行狀況。及日常功德與一切善舉。列摺奏聞。但在朔望回堂之諸弟子。必得列名。因本師見到一人登記一人。若不返堂未免有時遺漏。所以朔望之日。如非不得已之事羈身。宜返堂一行。特囑。

呂純陽祖師訓示

爲善之道。非利非名。隨時隨地。對人對物。或爲公益之事故。動一點慈悲之念。不一定是幾許金錢。盡吾力之可能。即使不費一文。而盡個人可造力量。絕無絲毫企圖者。達到利物濟人。才是善舉。吾則釣譽沽名。因利乘勢。因何善之有。

。雖佈施萬金。決不是良因。難收好果也。

呂純陽祖師訓示

吾民不幸。處此奸宄兇殘之社會。正值多災多難之秋。任何一角落。及一市一城。均有天災人禍之可能。雖迭經仙佛用盡方法消弭。仍未克挽人心。移惡俗。以致昊天示警。劫厄頻生。但善者自有善緣。惡者終必難逃惡報。惟願吾人多立善功。本自己良知良能。無論力量與金錢。盡個人之能力。除此之外。更能弘道說法。開導社會人心。望其歸納於正軌。功德尤為無量也。天祐善人。恒見轉禍為祥。逢凶化吉。天禍人患。必不及其身。舉家人等。倘無作惡者。天亦相之矣。

呂純陽祖師訓示

人壽百年。假身終無永在。所以道不可不信。信不可不修。若其未能性命修爲。但必不可物欲痴迷。如方寸滿積塵垢。烟火氣味週身。到其壽命終時。又安能一心不亂。驚惶失錯。魄蕩魂離。惘惘迷迷。剎那間容易沉淪冥界。如非幸獲仙佛提携。法力收集其神靈。其入鬼道必矣。本堂過去壽終弟子。幾許得本師關懷。安置修行之所。將來考驗功果如何。然後超度歸吾仙界。今者。麥明修其一例也。然而亦危殆極矣。特示同人。當知所警焉。

呂純陽祖師訓示

學問雖有智愚之別。及其成功進展。在其勤惰焉。蓋人非生而知之。必學而後明瞭。無論其任何聰明。苟非敏而好學。從何而知之。彼雖愚魯。但能好學不倦。一日進尺。十日則尋丈矣。如是終身勤敏不息。其進步莫能知其涯岸。所以學不必在乎智愚。在其勤惰而已矣。道學雖云玄妙。如精心勤究。必能參悟玄機。若云我無此智慧。視以爲難。不勤參經典。是自己放棄耳。可不惜哉。

呂純陽祖師訓示

君子安貧。達人知命。故人生足食足衣。已邀天之幸。致於富貴利達。則當聽命由天。苟非安命自守。則必致行險僥倖。妄圖享受。小則作奸犯

科。致罹囹圄。大則破家亡身。試看當今之世。如上述其人其事者。多如繁星。殊堪浩嘆。此緣社會風化乖違。教育弛替。凡為父母負有家庭教育之責。應以家庭正教培植青年。更應以自己行藏為後人之法則。此乃藥世箴言。非指本堂也。

呂純陽祖師訓示

無惡念謂之善意。發慈悲乃是善心。善意只是無害於人羣。慈悲方能濟世。兩者均是德行。其一不失為好人。但無功於衆生。無利於俗世。但本一片良知。自善於己。無害於人而已。作一則悲天憫人。能仁濟衆。能捨自己之一切。而加被他。人。此方是仙佛心腸。有普度大願。惟人之仁人。表面上似是博施濟衆。未必無自利存心。沽名

釣譽。此乃有利慈悲。造成其自利。實慈悲之賊耳。不得謂之能仁。不過比較惡意凌人。財與力均來嘗一造者。差勝一籌耳。

佛祖訓示

無住無懷無着相
不生不滅不形骸
四大皆空常樂靜
一塵不染別輪迴

呂純陽祖師訓示

大塊何爲乾淨土
斯民徒喚奈何天
殘殺凶橫雖是數
禍及無辜太可憐
差幸香江彈丸地
如何幸獲樂康然
道堂佛院遍港九
豈少信士結善緣
果果因因終有數
豈是蒼蒼愛惡偏

信願但堅能解厄
憑汝良心種福田
願我同人知警惕
善功弘道遍宣傳

呂純陽祖師訓示

修靜如同古井水
入定渾如泰岱華
不許微波興一刻
兆然枉汝着袈裟
行功一道正途通
錯路分歧氣運窮
自當停頓從頭起
身無感覺復行功
宏願從來不爲身
修行致力在同人
方寸靈台無雜念
佛仙超俗是能仁

呂純陽祖師訓示

彼古之衆生。經幾許年月日。六度輪迴。三途八苦。輪爲今日之衆生。又不知經幾許年月日。六

度輪迴。三途八苦。才爲將來之衆生。嗟呼。生
生滅滅。永無了期。爲輪爲彈。與世往來。蟲臂
鼠肝。由天賦予。然則我之此身。豈非是既作古
人。忽爲來者。忽作今吾。其間一段悠悠無限之
年代。生滅無端。受盡了無量無邊之苦趣。嗚呼
諸子。雖然前因種好。後果優然。他日輪迴此世
。僥倖仍得此難得人身。但可憐呱呱墮地。依然
五濁娑婆。試問當如何打算。除大覺前因。早登
彼岸。參玄悟道。徹悟無生。跳出生死輪迴之外
。更無法抵抗。彼天地循環。生生滅滅之數矣。

呂純陽祖師訓示

名與利。困惑了。多少大英雄。說甚千秋偉業。
不世殊功。任是名標竹帛。不過虛留姓字人敬奉。

。何況利名危脆。轉眼成空。你看軟紅塵上。處
處羣生入夢中。一切有爲皆幻境。人寰撒手。何
分富貴與貧窮。正嘆他人壽命終。那知自己殘生
送。嬌妻美妾休誇福。村婦鳩盤一樣同。三生石
上訂今生。輪迴未必還相共。看透者。早計修行
。痴迷者。必被造化小兒播弄。死死生生無了期
。更恐怕有一生中將孽種。因果要循環。天罰多
嚴重。勸君猛省回頭。慈航有路。求個仙佛收容

呂純陽祖師訓示

。人生福壽利祿。在秤之鈞。功德善果。在秤之權
。彼輕此重有計算。絕難僥倖強邀求。幾句箴言
雖顯淺。天地無私有理由。

呂純陽祖師訓示

九美常行。時修之以德性。八德宜守。乃處世之
良方。駕鶴談玄。方見名山修老。諷咒誦經。乃
見問鼎之門。桃紅李艷。堪誇如嬌之貌。松青鶴
白。如我日夕逍遙。扇金爐。自有長春之火。修
丹灶。豈無日月精華。將見欺霜白髮。壽與天齊
。恰如石精玉兔。終無劫壞。或水火常加。與我
何有。或榮華恃久。如我何無。追遠慎終。思親
如風不息。嘉行考念。敬之有若親臨。或功或德
。人非與我。或過或愆。難免將來。是心誠而憲
潔。惟齊心以可恃。涓涓其詞。勉之爲之。

呂祖師訓示

道不可須臾離也。惟誠可格。惟德可馨。故德可馨。故德可馨。故稱衆妙之門。形之上也。故非功果不足以竟其功。非內丹不足以化其俗。事有可爲。惟待於決心。休論品類複雜。萬法歸宗。抱一以爲天下式。是以天得一以清。地得一以寧。神得一以靈。豈有不可爲哉。勉之勉之。

註：

功果。功言內功。修身養性。煉氣之道。果言外果。積德行善。累功之爲。內丹。氣結黃庭。謂之內丹。黃庭謂之中宮。中央脾胃屬黃。故曰黃庭。抱一。抱其原也。如男三歲女五齡。得其天真。欲返其原本。則成真也。

呂純陽祖師訓示

薄霧濃雲。輕灑黃霖時雨。崇山峻嶺。重震華萼。宗風。少學耕雲。雖芒鞋而破衲。老效神仙。終名利之兩難。點石成金。無奈繁華難動。金丹鍊就。何以預世虛名。瀟酒襟懷。殷殷玉壺濟世。邯鄲夢覺。轉瞬又是將來。南斗微芒。隱天機之下邁。北斗榮煬。光燭映於上蒼。旦夕無常。誰信乾坤易老。提壺灌頂。勤參日見仙扉。舉世何窮。獨修仙爲貧道。南上天矚。實聖慧猶未終。

註釋：

華萼宗者。主源也。凡花木發乎根。猶人尋其本也。邁者。到達也。南者。爲大明之象。在卦爲離。聖人南面而聽。天下仰德之貌。

呂純陽祖師訓示

孟子曰。我善養吾浩然之氣。故大氣磅礴。足以驚天地而動鬼神。古今不少忠臣烈士。莫不由此正氣造成。青史垂名千秋不朽。若夫神仙佛子修離坎玄功。丹成九轉。皆先從養氣修心到爐火純青之候。則可一蹴而達真人之域。咸能善用其氣也。若小人俗子妄動其氣。偶一不合其意。則盛氣凌人。冲冲怒火頃刻而生。小則互相辱罵。即起爭端。一切交情友誼。轉瞬變為仇怨矣。大則可能彼此鬩鬥。浴血當場。造成命案。或則僅一氣之爭。使其事業前途一敗塗地。故吾人應善養其氣。但浩必先由修養而來。多造道功。非易至也。

未到其境。不知其妙。不明斯妙。修道過程。必經階進。是故成真成佛。初時咸賴導師。既進其境。參透其玄。一旦豁然貫通焉。層層境界。可以自度無師。在此岸則迷。到彼岸則悟。苟無導度慈航。誰能自度。故曰如筏喻者。但慈航非遠。彼岸不遙。方寸靈台。便是仙佛境界。蓬萊極樂。任汝尋求矣。

呂純陽祖師訓示

待人接物。祇知利己之圖。不計及對方之害。自私之見。埋沒良心。無道德觀念。有以致之也。吾人處世。苟能道德為懷。忖己度人。互相利益。自無不良後果。無論對家人。對朋友。或對任何人物。又何至彼此結仇生恨。世間之互相殘害。

。其原每由此而生端也。可不慎哉。君子愛人。小人利己。德與不德之別而已。

張三峰祖師認題示

四月初九

一堂歡驟滿門人 喜氣盈庭樂意珍
經章奏達雲天上 法露宏開展靈文
是非恩怨隨水逝 喜見上下亦齊心
和氣自然吉祥降 允稱禮儀拜慇懃
願借片言告汝等 由來積福在人羣
不必爭求名與利 天賜何須逐鹿勤
種有善因收善果 更須珍重惜寸陰
所願有成皆蒙庇 咸皆快樂廣精神

呂祖師訓示

龍御雲而上天。非假雲不得其勢。鵬乘風以上九
重。力振其翼。借乎風起。而可曳焉。非假風之
力。難奏其功。故任是龍。變化千端。御雲駕霧
。任是鵬。志達萬里。乘風順勢。達乎天地之間
。遊於四海九洲之上。可謂得其志矣。尚受困於
風雲。苟不得其時。不得其力。可以乘之。況乎
人性稟五行。身彌六道。尚有九災八難之厄。更
者七情六慾之羈。得其時者。允稱財勢。失其時
者。頓墮凡流。猶之龍也。豈有他哉。故頃刻之
百年。猶未看破。追琢於目前得失。漸見是非。
一和而衆合。是君子之德。兩口以舌爭。則衆怒
難犯。思入德門。共供諸天。則心潛佛國。眼底
蓬萊。乘其意誠。齊心合力爲是。

呂純陽祖師訓示

存義氣。重肝胆。是謂之真性情。嘆今日之達官
貴人。豪商鉅賈。互相以利。錦上添花。當其利
交疏。輒反顏若不相識。無他。虛偽性情。有以
致之也。反不如販夫走卒。雖貧賤論交。各具一
點真性情。竟能肝胆相同。患難與共。仙佛普度
衆生。不遺餘力。其宏願之大。苟未如所願。則
不願成仙成佛。其對衆生是真性情。說法談玄。
語語真情。無絲毫虛偽。所以佛性。即是人之真
性。此天地間。至玄妙。又即至尋常之理也。

呂純陽祖師訓示

努力崇明德。隨時愛景光。吾人立身秉志。抱道
行藏。將數十年有用光陰。立德立言立功。造成

太上三不朽。以遺於當世。不宜虛耗於嬉戲於無益身心之事務。不論在世法之中。修行脫俗之時。無一時不抱此志願。篤道奉行。處世如斯。雖至擺脫俗緣。買山歸隱之日。亦莫不如此。爲人若是。庶乎近焉。

呂純陽祖師訓示

丙午正月廿四日

但凡修道中人。即使不能參玄探道。亦要平時有此修養功夫。否則到百年歸老之時。恐把持不定。魄散魂離。渺渺茫茫歸於地府。精慎性情偏窄。氣盛迫人。所以在逝世之時。魂魄搖搖欲散。爲師念其在本堂無功亦有勞。余急去他亡處上空。在雲端將他真元收攝復合。隨後安置。令其再度修持。如果覺悟在失去人身之後。尚有機會打

出生死之門。凡爲本師門下。均有如是之關懷。若能修養。更易超拔。歸真亦快。一個氣字。要修養寧靜。不作惱怒。此是修養最大之點也。厚望我門人。深深記之。

呂祖師訓示

丙午二月初八日

古今之所謂多情者。無有過於仙佛。但仙佛之多情。並不是如世人之男女私意之情。夫妻恩愛之情。子女慈愛之情。其情之用處。一致在於衆生。無日無時不向衆生輸愛。欲其脫紅塵苦海之中。登上極樂逍遙之地。不獨向人海衆生力弘道法。卽逝世幽靈。亦衷心超度。抱一片菩提心。可度必度。後天初十日。乃是超度梁精慎展開法事之期。除本師臨壇之外。尚請得諸佛多衆。務必

超度早覺無生。不使再淪苦海。一則本菩提心。一則盡師生誼。超度法事完畢後。決擬安置在幽冥教主地藏王菩薩所屬之地藏禪院。潛修在世未竟之功。雖然不是短少時間得諸正覺。然由此精修下去。必有靈山再誕之期。

丙午二月初十日

佛法無邊。無所不容。故入佛道。仍待潛修。以證佛果。現在壇側。十分高興。一如生前。理得心安。復何有怨。

呂純陽祖師訓示

世情險詐。生活日高。諸凡欺騙詐取。無所不至。近日彼等乘人心動蕩之秋。假神道以惑世。橫

議橫民。邪說亂聽。明智之士。當然一笑置之。但婦人女子。多受其愚。卽好道之侶。時且不免爲其所惑。故目下有等邪術道堂。或假名佛社。用其一種巧言。似是而非之論調。羅致人士墮其穀中。令受愚者喪失貲財。還要諸多牽累。凡我同人。苟遇此等邪道之流。遠而避之爲要。

呂祖仙師降示

長劍一壺酒
清風百尺樓
夜迷山色暗
飛渡五洋洲
俯視下界盡茫茫
大地烽烟蔽上蒼
不見神洲驚噩夢
降鸞宣化在玄堂
劫火瀾天澈夜紅
流水淒淒不復東
霜雪滿江埋白骨
西南刁斗證兵凶

滿懷愁緒對銀缸
劫難如今不可當
從前劫運雖微解
此次仍須謹慎防

張三峰祖師降示

蘋果紅時橘正黃
滿壇香篆透穹蒼
虔誠鑒領諸生念
跨鶴來臨抱道堂
諸生誠念感真仙
積善行功定要堅
各有良機天庇祐
普濟群黎勿吝錢

張三峰祖師降示

一年將晚。歲序更移。急景凋殘。烽烟未已。諸
生感天恩之庇祐。荷神力之扶持。不少崇德報功
。心懷酬謝。此中善意。神已先知。然而天道無
私。惟德是輔。諸生康寧福壽。神亦豈敢居功。

方今劫難當頭。哀鴻遍野。妖魔作祟。踏遍神州。
。諸生將酬神之資。作慈善之舉。幽冥並濟。存
活沾恩。啓法壇而渡沉淪。施衣食而濟餓莩。此
則聖凡同利。各得心安。豈不美哉。凡施濟者。
必須切切實實。嘉惠窮簷不可苟且。誦經禮懺一
則祈禱消災。一則懺謝功德。並虔誠濟煉。凡此
各盡其誠。便是各獲其福。人等勉之。

呂純陽祖師訓示

苟使你自私婪劣。獲得大大小小之利益。彼造化
之神。或目前。或稍後。或同你計算。計得清清
楚楚。這邊來。那邊去。分毫不錯。畢竟辛苦一
場。近則害在本身。遠則貽禍後代。苟使你能理
智分明。事事存着良心一點。不但後患無有。而

厚福自增。卽應得之劫。亦能立即消除。雖驚不險。在目前劫殺頻頻之世。雖云情勢凶險。但每天相吉人。如有神助。並不是有幸。有不幸。實緣善惡分明。正大光明。理無橫禍。修道之士。既明真理。安定泰然可也。

呂純陽祖師訓示

吾道離三界。出五行。奪取天地長生之訣。飄然高舉而登仙。昔者。孔夫子詢道於老君曰。老子其龍乎。但孔子之學。入世之學也。以五常八德。教化生民。正人心。維風俗。可用於古。可用於今。可用於常。可用於變。在今日之世。風化乖違。人心險詐。微夫子之道。其誰以教之。

呂純陽祖師訓示

凡人每日役役營營。而仙佛亦未嘗不勞而多事。其所差異者。凡人多謀私利。而仙佛則為救衆生。不享應得逍遙。時刻臨凡濟世。以期立功德於無窮。希望我同人善衆。除生活求謀而外。廣種福田。多修善果。功德一樣無量。況又屬於修行人之外功。有外功更能培內功。亦即聖賢所謂能善其身。又能兼善天下之意也。

呂純陽祖師訓示

消長盈虛皆是數。一杯之水。只許其僅容載量。若求加添。雖少至一分一厘。理必過滿而瀉傾。是以君子知足。不敢妄求。世上貪妄之夫。貧而求富。既富矣。自應好善樂施。修德而福備久長。

。無奈私心不足。更作種種非法無厭之求。以促其福之快盡。福盡禍來。報之速者。近在本身而敗亡。遠則貽害子孫。反以多財而殺害後代。須知消長盈虛。果果因因。自有其自取之數在也。

呂祖師訓示

夫鸞乩也者。小技而已。余仙等不欲以此面世。蓋誤於有為。攻於異端也。於道未合。惟以假示真。不得已而借茲渡世。而增信益。但有等捧之作爲神異。嘖嘖焉空談妄指。崔躍於斯。豈不愚也乎。亦有等借此詢財求福。問於私欲。此更可嘆也。惟仙聖用此談玄論道。指引救世。治病安疾。俾弟子質疑問難。從而發其智慧者。又當別論。吾堂徒生亦多明此理。若示茲後來者。吾甚

慰焉。

呂祖師訓示

方才關聖曾臨一瞥。有所贊揚。隨即駕往。夫仙聖皆一體。慕道者修三千八百。一紀飛昇。自煉有成也。此云得仙者而已。得聖者又如何耶。其由也忠義仁勇。每於殉難之刻。九轉還丹之序。不期然而生然。隨之秉氣宇宙。神存於天。此僥倖耶。或規法耶。非也。彼實由日積月累。志心於天下。節烈之因果也。惟道門之內。每多知徑而弗行。空自錯過。甘心赴死。此何歸咎耶。吾不嘆乎。是以仙聖之永生。務本為初。極樂為止。

呂純陽祖師訓示

苟日新。又日新。作新民。人惟求舊器求新。是故君子而務本也。本立而道生焉。學然後知不足。故知不足以常學。大智出焉。學之至也。太德興焉。本之極也。凡修其心。爲人之本。凡守其神。爲道之本。氣盈而神充。精固而氣足。本末有定。百骸皆清。大德而反歛其善跡。猶大智若愚。大辯若納。故僞善而譁名。惟君子虛懷若谷。故能容於物。居於定。言於寂。虛無求本。反樸歸真。處俗而不從流。居位而不知位。明省深思。哲人之德至矣。

岳武穆大將軍到

未掃胡塵氣怎休
黃龍不飲恨悠悠

可憐塞外孤忠士
空抱丹心報國仇

呂祖師先到

桃佛祖師後到同聯佛偈列後

呂云 桃道友來何遲耶。純陽侯駕多時也。余與

桃道友共撰一佛偈。俾子等誦之。可滌塵心而

消俗慮矣（偈曰）。

呂云 君不見廿四橋頭月。絲竹笙歌正濃。轉瞬

卽成空。

桃云 祇見牛羊飢叫馬嘶風。

呂云 任教是雕樑畫棟終何用。君不見夕陽芳草

鎖烟霞。瓊樓玉宇邱墟盡。雙雙燕子不歸巢。

飛向尋常百姓中。

桃云 說甚公侯第宅帝王宮。阿房一火總成空。

呂云 但剩劫火殘灰。牧童橫笛悲笳弄。嘆人生
數十載墮塵勞。爭甚麼封侯事業。不世勳功。
縱博得凌煙閣上永標名。不過空留姓字人供奉

桃云。說甚是財多利厚富人翁。看來財寶禍根苗。
。殺却兒孫猶懵懵。任你百萬家資比石崇。
呂云 一朝撒首黃泉去。此際何能帶臭銅。姣妻
美妾休誇福。君死紛紛星散盡。妻去西時妾去
東。

桃云 儘令妻賢妾德柏舟堅。與君耐守重山盟。
輪迴未必重相共。海枯石爛今生事。九原地下
不能逢。

呂云 孝子賢孫見幾人。敗家辱祖世皆然。何曾
幹盡建奇功。真堪痛。正嗟別個壽夭終。那知

自己殘生送。怎似得。我輩自破紅塵色卽空。
不生不滅與天同。脫離造化五行中。
桃云看那富貴功名若贅疣。自甘淡薄誦黃庭。
無拘無束自逍遙。來去無牽樂也融。勸君且把
玄機悟。須知好事總如烟。百年事業剎那過。
休息一刻
呂云真似飯熟黃梁。邯鄲一夢。(完)

得雲仙師到

眉山英氣薄雲高。卽論文章亦鳳毛。富貴可邀無
媚骨。功名何值一胡盧。清狂詩酒今猶昔。嘯傲
雲山我樂吾。宦海浮沉成夢幻。聰明如僕也辛勞
。問仙師何人
吾蘇軾是也前世得雲今我依稀猶見望高台此我遊

本省金山寺也子等或亦誦過不記憶耳。

呂祖師示准着令速辦由 倡辦育嬰堂

天地有好生之德。我佛亦體慈悲之念。故大聖人猶參贊化育。孟軻惻隱之心。人皆有之。夫同是圓顱方趾。奚分乎男女。彼禽獸亦有父子天性。諺曰。虎不傷兒。牝猶雛護。何台邑人民。竟有此忍心害理。為禽獸所不為之事。而彼忍為之乎。此目擊傷心之慘劇。豈徒子為之傷心。而為師得聞之下。五內傷感。不禁有惻隱慈悲之念焉。似此殘毒傷生。靡特台邑女嬰。慘遭無辜。彼等殘忍刹子之台邑人民。多行不義。慘報身家。再不早日猛醒回頭。速改其殘生之惡念。則天災疫禍。旋踵隨之。報應之酷。不爽分毫。天網恢恢。

。實無或漏。然十室之邑。不無忠信。台邑人民。盡豈無天性及父子之情耶。子今以道德爲懷。惻隱慈悲之念。當卽大聲疾呼。喚醒具有天性之邑民。來助號呼。合力立成此嬰院。庶幾將來產生之女孩。有所于歸。不至慘爲屠殺。彼殘忍殺女之夫。雖不能不冀其遭天譴。而忠善者。或可望其不爲天災流疫之株累。以殃及池魚。此年來之間。子亦少獲機遇。此嬰堂當卽現于實行。幸勿因循觀望。致違慈善初心。而梗善行。事有邑人及外客集腋成裘。他山攻玉。卒竟其成功。可無憂矣。

濟公祖師到吟云

無所事事日復日。逍遙自在年復年。歲月任從海

水逝。幾番滄海變桑田。獨不神仙與佛子。靈魂
永遠不移遷。海可枯兮石可爛。一個顛僧萬古存
。可嘆世人終不悟。功名富貴用心專。一場大夢
瞬眼盡。嗚呼哀哉入黃泉。

萬公到云

不晤碧梧翠竹之姿。彈指又將旬田。停雲落月。
何可去懷。每憶笑言論道。乚筆談心。輒深惆悵
。暮雲春樹。想子等亦具有同情哉。禮明自入道
以還。向遵師訓。勸修靜養。鎮日終宵。均打坐
禪床入定。有時則朗誦黃庭。或閱三乘內典。是
以每欲過談。苦無暇晷。頃間鍾護法來。藉悉子
等談道之餘。猶念及枯坐禪關之萬禮明。高情厚
誼。實感膈臆。茲特暫擱道經。逃禪過侯。一敘

潤懷。子等得毋謂萬某又來騷擾否。一笑。

鍾護法示云 問袁世凱來歷

袁世凱前生。乃負販小民。因其前生屢行善事。

曾于客旅經商。路拾遺金。守候奉還。又曾為陳

邑宰僕。其庶主母無子。欲與通姦。急自悟曰。

我淫人妾。人戲我妻。遂正氣拒之。因得發掘藏

鏹十萬。以三成行善事。以三成遍施鄉族之窮苦

者。以二成為族中先祖拜祭之資。餘作本營生。

上帝念其功德浩大。死後轉生人道。居高官。獲

厚祿。此生之富貴。亦前生積來。不意其得居高

位。便妄作妄為。身受清廷厚恩。不思涓報。乃

覷人寡孤兒。幼主登位。便騙握兵符。挾天子以

令諸侯。而行篡弒之事。效莽操之手段。逼主退

位。而降民國。僞以種族異族之言。欺人肥己。乃得竊大位而爲總統。第既爲元首。代表群黎。自應爲民造福。爲國圖強。詎知又復兵連禍結。賣國暴民。妄借外債。賣官鬻爵。種種行爲。營私利己。于心猶未滿足。尚欲窺竊神器。自號稱尊。帝制中原。家天下。傳子孫。所最堪惡恨者。爲媚諂外夷。不知國恥。遽訂廿一條款。爲中原大國。最失利。最可恥之事。莫斯若也。上帝赫然震怒。立即傳旨。勅令冥君。卽攝其魂。尅歸地府。查袁氏壽本未盡。今帝制未成而卽死者。實觸怒上天。不能再忍。故卽令袁氏早死十餘年。現已定案于冥府。判令押往阿鼻地獄。受罪五百年。俟其如能具有悔心。懺悛罪過。然後免罪。此案本判永不輪迴。長受獄苦。如某某焉。

因念其前生爲大善。故減輕一等。遂如是判耳。

濟祖師題示 三月初四濟佛聖認

菲躬涼薄 紅塵降落 苦海多年 始還極樂

濟世拯民 安良去惡 非我之功 受天之托

蒙君過稱 感慚交錯 繁禮刪除 毋庸穿鑿

濟祖師續云

衆生多過。善念乖違。三綱五常。幾如解紐。赫

赫昊天。有懷震怒。彼天罡地煞。本天上凶星。

蠢蠢欲動久矣。苟時當承平。聖人在上。則天心

和悅。彼雖有野心。亦當潛不得降。今期覩天意

。正欲降灾。徹下民。乃乘機下臨世界。雜踏紛紜

。群至紅塵。以逞威福。是以聖人名世。應運而

興。殘賊奸雄。應劫以降。故古之五帝三王。應
運生也。操莽檜嵩。應劫降也。此古今來天道循
環自然之理。丁斯季也。正逢叔世。彼輩凶星。
正逢降世之會。所以殘民之賊。兇獨之夫。比肩
皆是。今夫所□□□□□。若□大□者。咸此類
然。此子等所當知。不待我剖晰而談矣。然而天
道好生。又何能令彼輩賊民一至于此極哉。既使
其降世殃民。又胡爲乎明正其罪。罰入地獄受苦
哉。此豈非天道不可知。天理其無可測耶。苟非
明於是理者。不無狐疑而生奇異之想也。不知此
正天道之常。天理之公。天心之仁也。何則。若
生民好義。揖讓醇樸。則天生聖賢。撫臨胞與。
以造就昇平。固無論矣。苟其衆生乖僻。作奸弄
詐。自作其孽。怒觸皇天。使彼凶星。得以乘隙

降臨。而爲其害。是自作禍盈。于天何與。書云
自作孽。不可逭。此之謂也。第天之初心。誠非
欲其殃民。及殘衆生之甚也。不過令其稍降灾異
。以儆頑民耳。豈料彼凶星一降凡世。一蹈舞台
。便忘其本。遂妄殘民命。伊于胡底。故天心又
從而罪之。蓋非罰其降世擾攘以儆民。罪其傷殘
之過甚也。由此觀之。天者寧非至公至仁乎。至
于諸君之問。其勢將 必 福民也。彼 爲
 定在 列也。明矣。

桃佛祖師到吟云

誰家愛國好男兒 偶覽興亡有所思

讀到朝鮮亡國史 不禁流淚灑當時

余偶過慧眼下垂。見一少年燈下讀史。廢卷三嘆

。大有感懷時局。痛念時艱之慨。更念到我國積弱如斯。恐爲高麗之後塵。遂廢卷潛然淚下。誰謂中原無愛國之人乎。不過埋頭未用耳。因占一絕焉。

鍾護法述亡清家事

亡清家事。母子兄弟。互相殘害。自不待言。至那拉對於載淳。亦有一番因果。光緒本王母之如子。職管天璽。偶因天下都總巡奉札上任。天書用寶。彼倒蓋天璽。玉帝怒其不慎。貶下凡間。輪在鳳毛麟角。生入天家。但何以與那拉氏彼此積不相能。此又有故在。蓋那拉本萬壽山一九尾狐。修鍊千餘載。光緒在天時。好弓箭之戲。忽一日。神箭射至萬壽山。適該狐正出。與箭相值

。以致正中咽喉。該狐雖被箭死。但一靈不昧。亦投入人道爲女身。卽是拉氏。而報一箭之仇。嗟夫。冤冤相報。冥冥難逃。因果如斯。殊堪浩嘆。查拉氏生平事蹟穢史。已在史冊。不必贅談。但其垂簾聽政。運用陰謀。殺貶賢良。任用心腹。其行爲手段。不減唐之武曌。清之二百餘年。櫛風沐雨之天下。喪于拉氏之手矣。上帝怒其罪惡太深。禁押阿鼻地獄。判罪百五十年。改過乃赦。光緒當時。亦劫難完滿。理當返天。歸還本職。雖被弑而崩。不過借此而脫塵俗。實亦數當然也。但光緒現將定罪拉氏之文書。今尚未發。故意遲遲蓋發。以使拉氏受苦多些時日也。

濟公到吟云

余吟此詩。推算良久。然後下筆。必有應驗也。
唇樓海市一朝虛。昔日秦宮寸草無。
橫議欲噓民意改。異端難惑世情騷。
間關戎馬皆南渡。多少邪魔向北逃。
應劫桃花傷世謝。澄清還望速來蘇。

天運丁卯四月十四日乃吾師

呂純陽真人聖誕紀慶之辰弟子禮明。禮謹。率翔
。翱。廣。亮。等。謹叩首再拜而敬祝之曰。
吾師道德。如海如山。吾師之術。與天地參。脫
我苦海。導渡靈山。與聞奧妙。九轉丹還。吾
師恩我。再造重生。感荷之德。欲報維艱。祝我
師傅。至大至德。至聖至神。人間同敬。天上
咸欽。無可以喻。何以祝音。跪晉觴稱。盡此

三盞。鑒我微誠。謹此以祝。惟恐不勝。

呂祖師答曰

純陽涼德。忝列仙班。術微道淺。無任厚顏。荷蒙過獎。慚感交加。願我道友。助我靈伽。佐我不逮。拯彼衆生。胞與之幸。純陽之榮。咨爾衆徒。既歸聖教。宜道是操。守爾正軌。勿蹈歧途。莫忘教旨。乖背師言。仁慈博愛。善願成完。克終克始。余厚望焉。

呂祖師到吟云

金烏西墜兔東生
日夜循環至古今
僧道得壇無不利
土農工賈各從心

濟祖師到吟勸本坛弟子戒吸洋烟

鴉片毒最新 吸收易傷身 費時兼失事

上引耗精神 此種來外洋 留害中國民

試看爲烟界 誰是百歲人 諸君明此義

立刻戒爲真 若再耽延去 富貴亦如貧

天上蓬萊客 無一是烟倫 卽如豪傑家

亦少烟具陳 回頭須猛醒 切莫再沉淪

濟公師傅訓示云

入世須知廣福田 力行陰騭自安然

神仙修到無難處 總要存心可對天

齊天大聖示云

偷閒來會且歡陪 暢叙幽情合舉杯

似此真情無以報
相期握手在瑤臺

呂祖師示云

一回相見一回真
座上還多富貴人
若再奉行諸善事
更教如我度長春

呂祖師到諭云

神仙亦好花
何曾忘却酒
開筵以賞花
行樂乃長久
惟以妓爲花
和酒開情竇
日夜任流連
傷財名又臭
況是人女妻
相處爲淫首
上天固討厭
仙佛不庇祐
尚怕惡毒流
沾染不可救
鼻與口俱傷
非徒壞身手
成一廢疾人
自問向誰咎
無面見祖宗
何顏對親友
諸君切戒之

另尋好路走 萬勿作俚言 置之於腦後

濟佛到吟云

嘆人生。有通窮泰否。蒼蒼加減有因由。得失渾
難苟。知命者。萬事總由天。顏回陋巷情甘守。
僥倖者。事事總非爲。雖今富貴似汾陽。心還未
够。參不透循環消長。世事如烟。好事應難久。
君不見三公之後出無驢。將相農家后。翠幕珠簾
。雕樑畫棟。轉瞬蛛絲滿結堆塵垢。空剩芳草夕
陽斜。燕子空巢鴉作竇。舊時是青山白骨荒塚累
累。轉眼又見粉白黛綠列成行。擾耳笙歌奏。又
見消長循環有盛衰。富貴有安排。通塞豈無時候
。不容妄念。僥倖可成功。願達人君子。把這個
興衰消長來參透。

張三峰祖師訓示

舌柔常存。齡剛則折。足見柔以勝剛。物理固然。人情亦當如是。柔則能容。包涵海量。常可以消災禍於無形。剛則性趨狹隘。剛愎自用。遇稍不如意之事。則大發雷霆。失却理性。燥急鹵莽。常致悞事。器量淺薄。有如是者。豈可不慎戒乎。觀乎水性至柔。惟能無堅不摧。尤見明證。邇來世界多處水災。損傷浩大。近日港九大雨滂沱。傷生損物。而人力猶不能勝之。俱見柔以勝剛也。依此推理。以爲借鑑。至於處世治事之方。不無裨益也。期三思之。

佛教教主釋迦牟尼古佛降進道方式與三皈五

戒

自古修道者。惟口口相傳。而無文字記載。故玄機不在千經萬典之中。古之成道者。只留露頭隱尾之聖經。今為恐後代之衆生。錯入邪教。乃留存於經書。以為大道之路徑也。昔日。吾佛在雪山傳道。只提一朵鮮花明月。在眼前搖動。兩三回。為之點道。莫怪自古大道最秘。不敢漏明者何。因教徒常犯皈依戒。上蒼震怒。故仙佛渡人。暗指玄機。而不能輕漏。恐怕受天譴之故。致大道不能宏開。欲遇真明師。是難中加難。若無外功積得多。皈依守得全者。至道難凝。名雖皈依三寶。而五戒無守。真理難明。大道不成。反墜六道苦輪矣。自二期普渡。大道未宏開。只渡二億。老母觀此。十二分痛哭失聲。故不得已。再

開三期普渡。收圓九二殘靈回天。特賜洪恩。宏
開大道。洩盡玄機。設三期大科場。乃現世衆生
大福。遇此機緣。而再不修。後悔不及。反真無
日矣。逢此佳期。欲望萬劫不壞。長生不老最容
易。吾望諸善男信女。緊急進道勿遲。依照菩薩
所講所定之方式。而進表上疏。發誓願。男守三
綱五常。女遵三從四德。合吾佛門之三皈五戒。
誠心修持。後成自有望也。

先講皈依二字。

（皈）皈字。左邊是箇白字。右邊是箇反字。無
極屬乾。乾者。西方。西方屬金。其色白是也。
。教人反回西方。皈玄竅之意。世人都是西天
佛子。下東土。計有六萬餘年。人轉畜。畜轉
人。四生六道。輪迴不了。似那白布。染着黑

色一樣。若要脫去黑色。還本來白色者。須返本還原。證玄關大道。了悟未生前。棄凡心存道心。見本來面目。這便是反白。皈字是也。一。皈依佛。是依字是也。

一。皈依佛。明吾本性是佛寶。佛者。便不是有形有像的佛。是自身的先天元神。若能守住元神。除去後天識神。覺悟原來自性。日日無憂無慮。參禪靜坐。如如不動。則正大光明常在。若不善守元神。做事奸貪欺詐。黑暗不明。怕人知。怕

人見。便是屬陰。陰神下降。墜入地獄。如能消除陰邪。煉神還虛。保存性天朗明。陽神上昇。免墜地獄是也。

二。皈依法。

知自心是法寶。所謂法。並不是那畫符念咒。搬運吐納。一切有爲的法。而是自身的先天元氣。若能養住元氣。化去後天暴戾毛病皮氣。涵養自家純然性情。則快活無限。春風滿面。一團和氣常存。若不善養元氣。遇不如意的事。便生皮氣。憂氣。致發出咽膈等症。有飯不能喫。死後到地獄。成一箇餓鬼。如能化去暴戾之氣。則變和氣。元氣充溢。意無亂動。清靜莊嚴。修持正法。明決公正。煉氣化神。免墜餓鬼是也。

三。皈依僧。

覺人身是僧寶。僧者。不是說那。受戒念佛圓頂的僧。是自身的先天元精。若能保住元精。斷絕後天色性淫慾。靜中固守真陽。不喫酒葷。清淨齋戒。身無亂動。免致耗散精血。苦不善保元精。真陽耗盡。一旦無常命絕。陰陽五行。的氣。化爲三魂七魄。墜入胎生。卵生。濕生。化生矣。如能保守元精。聚而不散。則精固神全。心無掛碍。煉精化氣。免墜四生是也。

第一條。戒殺生。

學佛慈悲。體天好生之德。人與畜類都係天地化育。同是一箇性體。不過爲人最貴。爲貪口腹。便殺害物命。豈不是傷害天理。欲學聖賢。

。要視萬物如一體。常抱一箇仁字。何況學修行的。人。更要思想諸佛菩薩。大慈大悲。何等心腸。凡有靈性的物類。不忍害他的性命。但不殺生靈。就是一舉步。也怕踏死蟲蟻。一舉手也不妄折草木。無一點兇暴的心。無一點狠毒的意。待物類尚且這樣慈悲。待人斷無殘忍的心思。不去犯殺生之戒。這是和儒家成仁的意義相同。以及道家五行中的木字一樣。是也。

第二條。戒偷盜。

學佛布施。沒有貪求。絕不重財貨。須知天下財物。各有其主。不昧了天良而亂取。致生損人利己之事。故欲學聖賢。要見利思義。常抱住一個義字。對於學道修行的人。更加重要。

古時帝王。如堯舜禹。都能把江山讓人。而看破紅塵之客。連財產家宅都拋棄。何況那不明。不自白財物。焉敢亂取。污我的清操。人身寶貴。未知幾世修來。爲妄貪假財物。而損壞莫大。品行。豈不可惜。故修道之人。不但不偷盜財物。若能戒到細微之處。就是男子。對於一草一木。女子對於一針一線。皆不敢妄取。而借物件。要經過主人的手。借錢財。該還就還。更要捨財培德。以功培果。爲消解歷劫的冤障。須終身不犯偷盜之戒。這是和儒家義的意義相同。以及道家五行中的金字一樣是也。

第三條。戒淫慾。學佛正氣。清心寡慾。須先斬絕情根色淫。不爲恩愛相纏。心不起邪念。眼不看邪色。意不

追邪情。淫爲種下萬惡之原。世間男女要有分別。視自身是舍利寶珠。若不守身中至寶。亂淫做傷風敗俗的事。豈不是失了父母面目。誤去一世人身。欲學聖賢。要男女有別。授受不親。常抱住一箇禮字。何況學修行的人。更要思想大千世界男女。皆吾同胞。一性姊妹。是無極老母的皇胎兒女。靈山的親骨肉。夫婦能相勸同修。方爲合理。須知淫爲萬惡之首。何苦來犯此彌天大罪。若能戒到細微之處。不但邪淫。眼耳口心意清淨。正己化人。守道如水清。守身如玉潔。端正行爲。不犯淫慾之戒。這是和儒家的禮字意義相同。以及道家五行中的火字一樣。是也。

第四條。戒妄言。

學佛須守誠實。不得妄談。若花言巧語。必致惹罪招愆。在世與人講話。若不知檢點。顛倒是非。順口害人。豈不是敗了自己口德。故欲學聖賢。口業要清淨。常講道德。說仁義。常守一箇信字。尤其是學修行的人。更要知有天地神明鑒察。日月三光照臨。若說騙人哄人的話。一言一句。空中便有神佛。記存在簿上。後來如何算賬。因此無論師長。善朋道伴。不可欺哄。宜誠實待人。感化他人。引行正道。言若無信。不但外人指謫。連自己師友都猜疑。還想做什麼事業。如何學道哉。若能戒到細微之處。不但大端不至妄語。就是許人一件東西。約人那裏去。前說的話。今講的言。皆能做得主。不得失信。雖然是實話。亦不要多言。

。因恐有行不能到之處。便成妄語。所以對口
言要謹慎。就不致犯妄語之戒。這是和儒家的
信字意義相同。以及道家五行中的土字一樣是
也。

第五條。戒酒肉

學佛求定心。明智慧。人的心性。本來圓明。
而人的身中氣脉血液。合天地同其升降。若不
改酒。本性沉迷。智暗心昏。若飲酒食肉。加
添心性迷昧。身中五臟六腑污穢。濁氣上昇。
何能學道。欲學聖賢。要清心寡慾。不使病根
從口而入。明哲保身。常生一箇智字。何況學
修行的人。便要思想。古來修真學道者。都是
在深山古洞。渴飲清泉。飢喫松柏子。青菜樹
根之類。飢餓度苦過日。不食人間烟火。苦行

多年。方成正果。永登天上。如若貪圖口腹。酒葷不改。五臟六腑污濁。本性不清白。如何脫離塵垢。證西方淨土。上九品蓮臺哉。若能戒到細微之處。不但不飲酒。亦不食肉。日常飯食。也不爭取。蔬菜滋味。也不計較。淡泊爲安。以儉素爲便。倘能做出大工夫。自得脫劫飛昇。免染凡境之濁氣。都在不犯酒肉之戒。這是和儒家的智字意義相同。以及道家五行中的水字一樣。是也。

西方無量壽佛 降學佛之起原及魔障之生滅

夫道者。覺路也。使人人歸於覺路。而出迷途也。然必由淺入深。道本無爲。而法有作。則是道爲體。法爲用。體用俱備。性命雙修。循序漸進

。未。有。不。能。入。於。佛。境。之。奧。者。也。吾。佛。開。教。以。來。
只。與。人。結。緣。不。與。外。道。結。冤。在。家。以。及。出。家。學
忍。辱。慈。悲。四。大。皆。空。一。塵。不。染。何。有。仇。之。可。結
乎。當。初。釋。迦。佛。生。平。不。與。人。計。較。廣。大。慈。悲。
有。十。分。涵。養。被。歌。利。王。割。截。身。體。節。節。支。解。佛
並。無。怨。恨。痛。心。故。此。證。位。大。雄。得。涅。槃。之。果。永
不。生。不。滅。皆。由。能。忍。辱。仁。柔。方。能。具。足。神。通。故
佛。門。以。空。說。法。空。諸。一。切。無。人。無。我。無。聲。無。臭
。既。無。人。我。之。見。有。何。怨。恨。之。心。可。現。哉。佛。在。雪
山。苦。行。不。貪。生。不。怕。死。蓋。貪。生。怕。死。非。大。丈
夫。之。所。爲。也。因。知。幼。年。出。家。學。道。不。比。中。年。之。人
。化。了。氣。質。之。性。自。己。深。加。琢。磨。因。佛。根。深。固。
屢。受。父。王。之。叱。責。受。種。種。之。刺。激。並。無。一。點。怨。恨
。或。退。道。之。心。吾。佛。甚。嘆。世。之。修。真。學。佛。者。全

不知吾佛。開教渡世之苦心也。意義不明。邪正真假難分。致入於旁門。每多碌碌一生。到老無成。故老母慈悲。今夜吾命佛登堂。是婆心渡世意。切。苦口講玄。欲使人人。同歸正等正覺之路也。故自將生平所學之法。以與諸善男信女。同結了俗緣。而同登道岸。雖其言平淡。而其理精微。勇猛精進。採取真材實料。依皈教法修造。完成本性朗明。安身立命。超出世外。作一個逍遙自在菩薩也。修真若能以性命為一大事。看破塵緣。一刀兩段。萬有皆空。脫塵離俗。若不尋個出頭路徑。終日爭名奪利。貪妻戀子。無常一到。萬事皆空矣。人以爲世事皆真。於吾視之。如浮雲朝露。夢幻泡影耳。雖然三期。道在火宅。而心無塵俗之念。妻爲朋。子爲伴。千魔百

障。順其自然。生死存亡。任憑天斷。立大丈夫
之品行。抱古聖賢仙佛之志念。具此一點真氣
。時時上昇。念念皆仁。此真向道也。何懼道不
顯哉。道者。自無而求有。初進道者。未曾學道
。即欲成道。未曾學佛。即欲作佛。妄想千端。
名雖修道。五蘊不空。四相未忘。外貌儼然衣冠
。內心幾同禽獸。名利之心不淡。是非之心常存
。奢華爲念。只恐衣服飲食不及人。僥倖任意。
常望所作所爲。皆能如願。或因氣忿。或貪安閑
。而出家者。是借道爲由。而實望安頓其身也。
如此之人雖說學道。意未純。名呼爲道。全不在
道。以此看來。何不及早還俗歸家。染苦爲樂。
何必久戀玄門。靠道營生。造下無邊罪過哉。今
生既不能超拔自身。而來世猶須墜於深淵。今生

之福果未得。來世之罪孽早種。吾勸學道之人。不論在家出家。當自省思之也。道者。以誠而入。以柔而用。以信而修。無怪學道者。因不實心。誠意體會。致如牛毛之賤也。若能窮仙佛之來源。道果成就。真如麟角之寶貴也。學道之人。每欲思逍遙。欲成仙佛之念。欲字人人本有無欲志不高。欲若欲好者。陽氣時時上昇。欲若欲不好者。心暗如黑雲蔽日矣。正氣者陽。道心也。心暗者濁氣。人心也。若以人心。間於先天。先天終不可得。將道心合為先天。先天即在目前矣。人心者。即一心暗昧。貪求之心也。道心者。即天良發現。而先天至道不求而自得也。又要却病。却病非風寒暑熱之病。要却貪嗔癡愛之病。此病一却。百病不生。可以延年益壽。可以成佛作

祖。爲聖爲賢矣。然必先除酒色財氣。去其外感。後絕貪嗔痴愛。去其內傷。此病一去。病根自拔。病體自癒。然後大道可修。長生可得。人生在世。多半對道無緣。雖然無煉道。亦要種人生之善因。男守三綱五常。女遵三從四德爲根本。根固因深。欲學吾佛門之至道無難也。依本道鐘之內。章章節節深究。照前第一章。幽冥教主之規律。而進表上疏。發出誓願取信。此名爲進道也。最初皈依。佛法僧三寶。戒除。殺盜淫妄酒爲五戒。此爲學道之準繩也。然必多放生靈消冤。立功培果。印書勸人。是欲消除夙孽也。而人生雖能轉爲人身。如入寶山。是前幾世之善因。但是無量劫來。生生世世。那裏又沒做得些過惡冤仇乎。此刻雖然懺悔立功。一時也是難以消盡。

。所以魔考不息。駁雜常纏。雖是守戒懺悔入門。歷劫以來。所作善惡。善有善根。惡有禍種。所以根緣之淺薄。皆有註定。名雖註定。亦由人心願之別。天下無難之事。只怕人心不堅耳。而人頭上。若有道之人。常顯紫氣上昇。天魔不敢侵。而心魔自滅。道能成也。而行善之人。頭上有白氣發現。天魔心魔時時來考驗。若抱精進之志。魔自消退而不侵。而作惡之人。頭上有黑氣冲出。此黑氣。魔極喜親近。此三者。原由心而顯露也。雖發心。為三皈守五戒。必要謹遵法言法訓。常要慈心下氣。恭敬一切。不可使性縱情。妄念千般。更宜捨己從人。最忌傷生害命。勿謂吾不如人。遂起嫉妬之心。休謂他不及吾。便生輕慢之意。莫將好勝心。凌辱於人。休起憤高

念。驕傲朋友。吾不如他。是修積未到。他不及
吾。是他時運未來。道不分大小尊卑之別。不論
富貴貧賤智愚。何分貴賤老幼乎。有道者爲大。
有德者爲尊。不可自作聰明。反被聰明之誤。許
多聰明誤自身。天下事。只有學而知之。生而知
者。能幾人耶。若好學者。如金如玉。不好學者
。如草如茅。不貴金銀財寶。只重仁義道德。天
子求道。不爲貴。乞丐成道。不爲賤。不以富貴
。而動其心。貧賤。而移其志。視自身。爲已死
之人。實學死中得活也。修行之人。原不求安逸
。只要能將就。便可以了結。豈不是如君子謀道
不謀食。拋棄三心。過去心。不可存。現在心。
不可有。未來心。不可起也。小人飲謀食不謀道
。三心常存。永失真道矣。豈不聞聖賢仙佛。都

在心內用工失修成。心正而身亦正。所行之事亦正矣。心邪而身亦邪。所行之事亦邪矣。故修行之人。必先正其心。而後誠其意。蓋心不正。而意不誠。妄念百端。是與真道無緣。妄念一起。神即遷移。神遷。六賊跳亂心田。所以學靜之人。常被魔障所考。煉到中途。輒生懶惰之心。蓋魔關。或生於心境。或生於身中。生於心者。名利恩愛。是非人我。得失之因素耶。生於身者。疾病飢寒苦樂。反復得意之關頭也。兩者。未能解脫。枉將歷年之功夫。盡皆放棄。然靜坐未能將魔關一切斬開。總難高上天階也。闡道若受不了苦。苦根未盡。智慧難開矣。今願爾等當於苦處求之。受一番苦。即退一番魔陣。受十分苦。即魔氣全消矣。吾佛之心。執一不二。不在受

苦途中。而移其心念。正是一念着魔。終身執迷。所以修道之人。總要把死生二字。看得空。不可一定貪生。不可一定求死。生也由天。死也由天。不可執於有。不可溺於無。如此則魔不能入身。心自得寧靜也。總之人。也有真心修煉者。也有圖名買譽者。也有偷生躲劫者。多半談有談無。盡是痴心妄想不停也。幻氣未消。故致着魔也。常想古來修成正果之人。以得赴瑤宮。飲龍華會上仙酒。服蟠桃去也。但若時時有妄想念頭。被那天魔識性。陰神三合尸。看透心事。則在靜中變草野。做蓬萊仙境。設出龍華。變假王母。假佛假仙。來引上瑤京。見王母。此妄想。終致落空。無道可得也。若有真心修行者。功果大成。魔障不能近身。坐功之人。若年輕慾盛。亦

要節制保持。若虔誠靜坐。久而全無發現進步者。此必犯有虧德之事。必要懺悔。加添從善。修功補過。方得容易進也。靜坐之法。起初蒲團鋪平。坐者由人隨便。普通坐法。單盤坐法。雙盤坐法。此三法。可以用。坐在蒲團上。暫時口要閉住。將舌搭天橋。眼要露一線之光。平視。守在玄關。無昏沉。無埋頭。成一勻。則前任脈。後督脈自通。呼吸要緩而長。不可短而急。在心賢之間。則血氣自順。元氣自固。七情不肆。百病不治而自消。每子午卯酉四時。是天地轉陽氣時候。依照四時而坐。容易得靜。順手而得法。在靜中。心絕念慮。以意隨呼吸。一往一來。上下隨呼吸之間。勿遲勿速。任其自然。覺得口鼻

之氣似無。由其自如。在靜中境界。多般皆是陰
魔之變化。現在所講。是初步坐法。煉靜工夫而
已矣。若要還丹。依照書中。九節內中之口訣。
而精進無誤。吾前在世。靜到若亡若存之時。
有猛虎張牙舞爪。遇此境來。吾抱死而不在意也
。又遇到杳杳冥冥。另一境界。也不起來相視也
。有人送金銀財寶來。吾亦不在意也。昏迷之間
。見美貌女子。總不理會他。存正念。而不改其
志。在靜中功夫未盡。道尚未了。有天神帶玉勅
來開讀。說要接吾上天台。封果位。化一隻白鶴
。令吾坐上。生出種種虛幻。敗吾真道。許多奇
奇怪怪之事來。若不是念頭抱得穩。倘有些毫釐
之差。失之千里矣。煉到諸般景象。入眼皆空者
。已得真靜也。總之靜坐。佛曰。萬法歸一。不

爲境遇阻其懷。不爲名利擾其衷。朝夕修持。以俗心變爲道心。以凡骨煉成仙體。色相皆空。萬緣不染。然後自能不執人我。不著形象。若落於人我象壽。則生著相之心。皆非靜坐之道也。大道本來無形相。學道若用有形有象者。已入歧途矣。故坐功。心要能空寂。空無所空。自得真空。然後大觀自在。真種由尾閭直上玄關。煅煉成舍利。透出泥丸宮。現吾本性矣。有等修道者。非但信心不能堅固。而弊在速成。功夫未到。便思證果。又有習吾佛門者。不但不加意盤旋。而弊在安閒。日日淹淹欲睡。時時悶悶不樂。精神不振。艱於行事。不肯用功。豈不知一長一短。用盡無限心機。方得隨心應手。半絲半縷。費盡許多氣神。方能心滿意足。豈學仙佛者免下苦工。

乎。吾佛。深願下界蒼生。既聞妙道。須要腳踏
實地。韜光斂晦。樂道修真。雖是得志。美女當
前而不知。雖是患難。鼎鑊臨頭而不怕。一心煉
道。以求功成。然學道者。若魔障之關打不破。
必無道可學也。在家有妻子之恩愛。在外有名利
之競爭。所以修煉者。須將一切俗緣看淡。隨遇
而安。身在紅塵之中。而心超出紅塵之外。而後
有道可成也。吾佛所講之言。信不信由爾。若能
信。便可以負吾佛之婆心。若不信。終不能了
道。昇降二字。天堂地獄。由爾等原人。自造自
爲之。莫說吾佛之無惻隱也。若能依此淺言修持
。完成三千功果。八百行滿。應赴紫府玉京之選
。以成菩薩。再加幫助收圓度世。則成佛之果位
。永受紫府標名姓。用心苦志。修行得道成真。

參拜瑤池王母。同赴龍華。賜爾吃一顆蟠桃。壽增千年。不老長生。果就人間。天上永留芳。願爾後學者。勤習妙玄。不可空手還。若能學吾能忍受人間無限苦楚。定做天上逍遙無量壽佛。豈不美哉。

呂純陽祖師訓示

心難得定。性難得靜。不爲富貴所動。不因貧賤所移。皆馮一個定字。毋被環境而易。不受外物引生躁急。皆由靜而不動。爐火純青。用此向道研經。不患其智慧之不生。而患其定力之動搖。蓋智慧乃從心性參悟而生。由學問久練而成。勤則功深。熟則生巧。從時日與歷練得來。孔子曰。假我數年。五十以學易。可以無大過矣。非虛。

語也。無論學之深造到如何地步。人之智愚皆可達到。所分別者。遲與早耳。苟其定力不堅。則必學無成就。其雖爲智者。散漫無心。而愚者。則堅持苦學。究竟功夫。則智者不及愚者遠矣。由此觀之。不論其爲智爲愚。倘能定力堅強。則羣經萬典。不難透參奧旨也。

呂純陽祖師訓示

修道人士。抱持正覺。堅定不搖。不顧人之非議。心正自無生魔。正覺不定。邪覺環生。正心搖動。神智乖離。則萬魔攻心。終身不獲脫離魔海。甚且發生種種邪病。可不慎歟。

呂純陽祖師訓示

夫天地之長存。乃日月星辰河嶽。正氣之所鍾。四時之氣。五行之助。化育萬物。成爲今古不變之大塊山河。人之所以能永壽延年。亦賴精氣神三者得其養也。吾道之修行。修其性命。性定不爲外物所移。精欲所動。性能堅定。則神不馳。情欲不迷。則精氣常在。精氣常在吾身。必得健康無疾。修命之功成矣。獲此康寧保壽之躬。有悠悠久遠之修道時日。方足以爲修其見性功夫。若其短暫壽命。任其智慧過人。爲日無多。修道之功未竟。欲其一覺成道。非具有前因者。必無有也。是以修道第一工夫。在於修命。修命之要訣。是不痴迷於情。不妄生繁欲。若情苗不斷。痴妄成根。思其力之所不及。憂其智之所未能。憂心忡忡。勞形搖精。氣喪神頹。命不久矣。須

知修道。貴有時日。欲久長時日。養氣存神。保其壽命。一日一日之覺悟。一年一年之參修。任其至愚。亦必有一得。黍黍之增。久乃盈斗。涓涓不息。必成江河。患其無時日以勤修。不患厥功不竟也。

呂純陽祖師訓示

無論修持坐功處世事業。執實一個定字。則無往而不成就。道心真定。不為邪說所惑。如如不動。堅定修持。自古成真正覺。成佛登仙。亦從定字收功。坐功所以又名入定。達摩祖師面壁九年。堅定趺跏。九年之中。穩定如泰山之固。禪心不動。萬魔難入。定心亦是一個定字。遂成佛地。致於世法而言。社交處世。首先認定良友而交。

。拒與無益之淫朋損友相處。語云。與善人交。如入芝蘭之室。久而不聞其香。與惡人交。如入鮑魚之肆。久而不聞其臭。蓋人之能為利祿聲色所惑。皆由心不堅定而已。因此。事業亦由此而偏邪。不務正業。奸拐淫邪。所業日趨下流。良由心意把持不定。偶遭一時窮困。甚則作奸犯科。。胆怯者。亦不免卑污屈節。而博利求財。定之一字。又何可少哉。

呂純陽祖師訓示

自卑畏難。是失敗之因素。希望毅力。乃成功之前奏。人生事業。固然如此。修道功夫亦莫不如。此。我們在道言道。譬諸修性必須修命。修命者。即修壽命之長久也。但必得其方法。最簡便者。

。則莫如坐功。如果自己認爲五蘊未空。俗情難脫。不能免強行功。存了自卑之感。而或者視爲難事。則已注定失敗矣。苟能深信不疑。必有達成希望。從此苦心孤詣。盡我力與時日爲之。逐漸得到循環運氣之化功。取坎填離之玄妙。精氣神充。却病延年。修命之大功不遠。卽如本師當年。以天璜貴胄。早掇色科。榮膺邑宰。妻賢子孝。使我以爲吏之身。無仙成之希望。又何有今日之丹成九轉。竟到大羅。幸而一悟之堅。初心不負。汝等道心。當以本師爲法。將來成就。實無可限量也。

呂純陽祖師訓示

修持須養氣。問道要虛懷。氣盛閉真性。氣和得益佳。中氣養而足。神從何處來。欲知高上道。真性自安排。人非有生解。大道習方知。低心求妙理。時可遇明師。道雖不欲進。苦學莫嫌遲。不可自爲是。他人識或高。總宜謙博學。未許畏辛勞。如此爲宗旨。學問進滔滔。

呂純陽祖師訓示

不學自然無術。閒常應博覽羣書。其爲有益身心。及世道人心者。當刻心銘誌之。又從而取法之。其淫詞艷調。邪說異端。一切足以壞人心。傷風化者。則當棄而不閱。免其擾亂正信。搖動心君。尤應卽時焚之。免貽害家人子女。不可一刻留存。事似尋常。實爲重要也。

呂祖師題示 王天君認 六月廿七日

護法除魔願力強 修行免劫達仙鄉

憑君一杵除魑魅 庇盡玄門大道場

王天君題

既曾請願凌霄殿 惟道降魔護道功

威鎮羣魔消萬劫 橫磨劍起氣如虹

太乙金華宗旨

太乙金華宗旨

孚佑帝君著

天心第一

呂祖曰。自然曰道。道無名相。一性而已。一元神而已。性命不可見。寄之天光。天光不可見。寄之兩目。古來仙真。口口相傳。傳一得一。自太上見化。東華遞傳巖。以及南北兩宗。全真可爲盛極。盛者盛其徒衆。衰者衰於心傳。以至今日。泛濫極矣。凌替極矣。極則返。故蒙淨明許祖。垂慈普渡。特立教外別傳之旨。接引上根。聞者千劫難逢。受者一時法會。皆當仰體許祖苦心。必於人偷日用間。立定腳根。方可修真悟性。我今叨爲度師。先以太乙金華宗旨發明。然後細爲開說。太乙者。無上之謂。丹訣總假有爲而

臻無爲。非一超直入之旨。所傳宗旨。直提性功。不落第二法門。所以爲妙。金華卽光也。光是何色。取象於金華。亦秘一光字在內。是先天太乙之真炁。水鄉鉛只一味者此也。回光之功。全用逆法。注想天心。天心居日月中。黃庭經云。寸田尺宅可治生。尺宅面也。面上寸田。非天心而何。方寸中具有鬱羅蕭臺之勝。玉京丹闕之奇。乃至虛至靈之神所在。儒曰虛中。釋曰靈臺。道曰祖土。曰黃庭。曰玄關。曰先天竅。蓋天心猶宅舍一般。光乃主人翁也。故一回光。周身之炁皆上朝。如聖王定都立極。執玉帛者萬國。及如主人精明。奴婢自然奉命。各司其事。諸子只去回光。便是無上妙諦。光易動而難定。回之既久。此光凝結。卽是自然法身。而凝神於九霄之

上矣。心印經所謂默朝飛昇者此也。宗旨行法。別無求進之法。只在純想於此。楞嚴經云。純想即飛。必生天上。天非蒼蒼之天。即生於乾宮是也。久之。自然身外有身。金華即金丹。神明變化。各師於心。此中妙訣。雖不差毫末。然而甚活。全要聰明。又須沉靜。非極聰明人行不得。非極沉靜人守不得。

元神識神第二

呂祖曰。天地人如蜉蝣。大道視天地亦泡影。惟元神真性。則超元會上之。其精氣則隨天地而敗壞矣。然有元神在。即無極也。生天生地。皆由此矣。學人但能守護元神。則超生在陰陽之外。不在三界之中。此惟見性方可。所謂本來面目也。凡人投胎時。元神居方寸。而識神則居下心。

下面血肉心。形如大桃。有肺以覆翼之。肝佐之。大小腸承之。假如一日不食。心上便大不自在。以至聞驚而跳。聞怒而悶。見死亡則悲。見美色則眩。頭上天心何嘗微微些動也。問天心不能動乎。方寸中之真意。如何能動。到動時便不妙。然亦最妙。凡人死時方動。此為不妙。最妙者。光已凝結為法身。漸漸通靈欲動矣。此千古不傳之秘也。如強藩悍將。欺天君闇弱。便遙執紀綱。下識心。如強藩悍將。欺天君闇弱。便遙執紀綱。久之太阿倒置矣。今凝守元宮。如英明之主在上。二目回光。如左右大臣盡心輔弼。內政既肅。自然一切奸雄。無不倒戈乞命矣。丹道以精水。神火。意土。三者。為無上之訣。精水云何。乃先天真一之炁。神火即光也。意土。

卽中宮天心也。以神火爲用。意土爲體。精水爲基。凡人以生意身。身不止七尺者爲身也。蓋身中有魄焉。魄附識而用。識依魄而生。魄陰也。識之體也。識不斷。則生生世世。魄之變形易質無已也。惟有魂。神之所藏也。魂晝寓於目。夜舍於肝。寓目而視。舍肝而夢。夢者神遊也。九天九地。剎那歷徧。覺則冥冥焉。淵淵焉。拘於形也。卽拘於魄也。故回光所以鍊魂。卽所以保神。卽所以制魄。卽所以斷識。古人出世法。鍊盡除滓。以返純乾。不過消魄全魂耳。回光者。消陰制魄之訣也。雖無返乾之功。止有回光之訣。光卽乾也。回之卽返之也。只守此法。自然精水充足。神火發生。意土凝定。而聚胎可結矣。蜚螂轉丸。而丸中生白。神注之純功也。糞丸中

尚可生胎離殼。而吾天心休息處注神於此。安得不生身乎。一靈真性既落乾宮。便分魂魄。魂在天心。陽也。輕清之炁也。此自太虛得來。與元始同形。魄陰也。沈濁之氣也。附於有形之凡心。魂好生。魄望死。一切好色動氣。皆魄之所爲。卽識神也。死後享血食。活則大苦。陰返陰也。物以類聚也。學人鍊盡陰魄。卽爲純陽也。

回光守中第三

呂祖曰。回光之名何昉乎。昉之自文始真人也。卽關尹子。回光則天地之氣無不凝。所謂精思者此也。純炁者此也。純想者此也。初行此訣。乃有中似無。久之功成。身外有身。乃無中似有。百日專功光纔真。方爲神火。百日後。光中自然。

一點真陽。忽生黍珠。如夫婦交合有胎。便當靜
以待之。光之回。卽火候也。有
夫元化之中。有陽光爲主宰。有形者爲日。在人
爲目。走漏神識。莫此甚順也。故金華之道。全
用逆法。回光者。非回一身之精華。直回造化之
真炁。非止一時之妄念。直空千劫之輪迴。故一
息當一年。人間時刻也。一息當百年。九途長夜
也。凡人自因戶卧切和音哇的一聲之後。逐境
順生。至老未嘗逆視。陽氣衰滅。便是九幽之界
。故楞嚴經云。純想卽飛。純情卽墮。學人想少
情多。沈淪下道。惟諦觀息靜。便成正覺。用逆
法也。陰符經云。機在目。黃帝素問云。人身精
華。皆上注於空竅是也。得此一節。長生者在茲
。超昇者亦在茲矣。此是貫徹三教工夫。

光不在身中。亦不在身外。山河大地。日月照臨。無非此也。故不獨在身中。聰明智慧。一切運轉。亦無非此光。所以亦不在身外。天地之光華。布滿大千。一身之光華。亦自漫天蓋地。所以一回光。天地山河皆一切回矣。人之精華。上注於目。此人身之大關鍵也。子輩思之。一日不靜坐。此光流轉。何所底止。若一刻能靜坐。萬劫千生。從此了徹。萬法歸於靜。真不可思議。此妙諦也。然工夫下手。由淺入深。由粗入細。總以不間斷為妙。工夫始終則一。其間冷暖自知。要歸於天空海闊。萬法如如。方為得手。聖聖相傳。不離反照。孔云致知。釋號觀心。老云內觀。皆此法也。但反照二字。人人能言。不能得手。未識二字之義耳。反者。自知覺之心。

反乎形神未兆之初。卽吾六尺之中。反求箇天地未生之體。今人但一二時中間靜坐。反顧己私。便云反照。安得到頭。佛道二祖。教人看鼻尖者。非謂念於鼻尖也。亦非謂眼觀鼻端。念又注中黃也。眼之所至。心亦至焉。何能一上而一下也。又何能忽上而忽下也。此皆認指爲月。畢竟如何。曰。鼻端二字。最妙只是借鼻以爲眼之準耳。初不在鼻上。蓋以大開眼。則視遠。而不見鼻矣。太閉眼。則眼合。亦不見鼻矣。大開失之外走。易於散亂。太閉失之內馳。易於昏沉。惟垂簾得中。恰好望見鼻端。故取以爲準。只是垂簾恰好。任彼光自然透入。不勞你注射與不注射。

看鼻端。只於初入靜處。舉眼一視。定箇準則。便放下。如泥水匠人用線一般。彼自起手一掛。便依了做上去。不只管把線看也。止觀是佛法。原不秘的。以兩目諦觀鼻端。正身安坐。繫心緣中。道言中黃佛言緣中其實一也不必言緣中。但於兩目中間齊平處繫念便了。光是活潑潑的東西。繫念於兩目中間。光自然透入。不必著意於中宮也。此數語已括盡要旨。其餘入靜出靜前後。以下止觀書印證可也。緣中二字。極妙中無不在。徧大千皆在裏許。聊指造化之機。緣此入門耳。緣者緣此爲端倪。非有定著也。此二字之義。活甚妙甚。止觀二字。原離不得。卽定慧也。以後凡念起時。不要仍舊兀坐。當究此念在何處。從何起。從

何滅。取覆推窮。了不可得。即見此念起處也。不要又討過起處。覓心了不可得。吾與汝安心竟。此是正觀。反此者。名為邪觀。如是不可得已。即仍舊縣縣去。止而繼之以觀。觀而繼之以止。是定慧雙修。此為回光。回者止也。光者觀也。止而不觀。名為有回而無光。觀而不止。名為有光而無回。誌之。

回光調息第四

呂祖曰。宗旨只要純心行去。不求驗而驗自至。大約初機病痛。昏沉散亂。二種盡之。此卻有機竅。無過寄心於息。息者自心也。自心為息。心一動。而即有氣。氣本心之化也。吾人念至速。霎頃一妄念。即一呼吸應之。故內呼吸與外呼吸。如聲響之相隨。一日有幾萬息。即有幾萬妄念。

。神明漏盡。如木槁灰死矣。然則欲無念乎。不能無念也。欲無息乎。不能無息也。莫若卽其病而爲樂。則心息相依是已。故回光兼之以調息。此法全用耳光。一是目光。一是耳光。目光者。外日月交光也。耳光者。內日月交精也。然精卽光之凝定處。同出而異名也。故聰明總一靈光而已。坐時用目垂簾後。定箇準則便放下。然竟放下。又恐不能。卽存心於聽息。息之出入。使耳聞。聽惟聽其無聲也。一有聲。便粗浮而不入細。卽耐心輕輕微微些。愈放愈微。愈微愈靜。久之。忽然微者遽斷。此則真息見前。而心體可識矣。蓋心細則息細。心一則動。炁也。息細則心細。炁一則動。炁也。定心必先之以養炁者。亦以心無處入手。故緣炁爲之端倪。所謂純炁之守。

也。子輩不明動字。動者以線索牽動言。卽制字之別名也。既可以奔趨使之動。獨不可以純靜使之寧乎。此大聖人。視心炁之交。而善立方便。以惠後人也。丹書云。雞能抱卵心常聽。此要訣也。蓋雞之所以能生卵者。以暖氣也。暖氣只能溫其殼。不能入其中。則以心引氣入。其聽也。一心注焉。心入則氣入。得暖氣而生矣。故母雞雖有時出外。而常作側耳勢。其神之所注。未嘗少間也。神之所注。未嘗少間。卽暖氣亦晝夜無間。而神活矣。神活者。由其心之先死也。人能死心。元神活矣。死心非枯槁之謂。乃專一不分之謂也。佛云。置心一處。無事不辦。心易走。卽以炁純也。炁易粗。卽以心細之。如此而焉有不定

者乎。大約昏沉散亂二病。只要靜功。日日無間。自有大休息處。若不靜坐時。雖有散亂。亦不自知。既知散亂。卽是卻散亂之機也。昏沉而不知。與昏沉而知。相去奚啻千里。不知之昏沉。真昏沉也。知之昏沉。非全昏沉也。清明在是矣。散亂者。神馳也。神未清也。散亂易治。而昏沉難醫。譬之病焉。有痛有癢者。藥之可也。昏沉則麻木不仁之證也。散者可以收之。亂者可以整之。若昏沉。則蠢蠢焉。冥冥焉。散亂尚有方所。至昏沉全是魄用事也。散亂尚有魂在。至昏沉則純陰爲主矣。靜坐時欲睡去。便是昏沉。卻昏沉只在調息。息卽口鼻出入之息。雖非真息。而真息之出入。亦於此寄焉。凡坐須要靜。

心純炁。心何以靜。用在息上。息之出入。惟心自知。不可使耳聞。不聞則細。細則清。聞則氣粗。粗則濁。濁則昏沉而欲睡。自然之理也。雖然。心用在息上。又善要會用。亦是不用之用。只要微微照聽可矣。此句有微義。何謂照。即眼光自照。目惟內視而不外視。不外視而惺然者。即內視也。非實有內視。何謂聽。即耳光自聽。耳惟內聽而不外聽。不外聽而惺然者。即內聽也。非實有內聽。聽者聽其無聽。視者視其無形。目不外視。耳不外聽。則閉而欲內馳。惟內視內聽。則既不外走。又不內馳。而中不昏沉矣。此即日月交精交光也。昏沉欲睡。即起散步。神清再坐。清晨有暇。坐一炷香為妙。過午人事多擾。易落昏沉。亦不必限定一炷香。只要諸緣放下。

。靜坐片時。久久便有入頭。不落昏睡者。

回光差謬第五

呂祖曰。諸子工夫。漸漸純熟。然枯木巖前錯落多。正要細細開示。此中消息。身到方知。吾今則可以言矣。吾宗與禪宗不同。有一步一步徵驗。請先言其差別處。然後再言徵驗。宗旨將行之際。預作方便。勿多用心。放教活潑潑地。令氣和心適。然後入靜。靜時正要得機得竅。不可坐在民事甲裏。所謂無記空也。萬緣放下之中。惺惺自若也。又不可以意興承當。凡太認真。卽易有此。非言不宜認。真但真消息。在若存若亡之間。以有意無意得之可也。惺惺不昧之中。放下自若也。又不可墮於蘊界。所謂蘊界者。乃五陰魔用事。如一般入定。而槁木死灰之意多。大地

陽春之意少。此則落於陰界。其炁冷。其息沉。且有許多寒衰景象。久之便墮木石。又不可隨於萬緣。如一入靜。而無端衆緒忽至。欲卻之不能。隨之反覺順適。此名主爲奴役。久之落於色欲界。上者生於天。下者生狸奴中。若狐仙是也。彼在名山中。亦自受用。風月花菓。琪樹瑤草。三五百年受用去。多至數千歲。然報盡還生諸趣中。此數者。皆差路也。差路既知。然後可求徵驗。

回光徵驗第六

呂祖曰。徵驗亦多。不可以小根小器承當。必思度盡衆生。不可以輕心慢心承當。必須請事斯語。靜中緜緜無間。神情悅豫。如醉如浴。此爲徧體陽和。金華乍吐也。既而萬籟俱寂。皓月中天。

。覺大地俱是光明境界。此爲心體開朗。金華正
放也。既而徧體充實。不畏風霜。人當之興味索
然者。我遇之精神更旺。黃金起屋。白玉爲臺。
世間腐朽之物。我以真炁呵之立生。紅血爲乳。
七尺肉團。無非金寶。此則金華大凝也。第一段
。是應觀經云。日落大水。行樹法象。日落者。
從混沌立基。無極也。上善若水。清而無瑕。此
卽太極主宰。出震之帝也。震爲木。故以行樹象
焉。七行重一。七竅光明也。西北乾方。移一位
爲坎。日落大水。乾坎之象。坎爲子方。冬至雷
在地中。隱隱隆隆。而震而陽方出地上矣。行樹
之象也。餘可類推矣。第二段。卽肇基於此。大
地爲冰。琉璃寶地。光明漸漸凝矣。所以有蓬臺
而繼之有佛也。金性卽現。非佛而何。佛者大覺

金仙也。此大段徵驗耳。見在徵驗。可考有三。一則坐去。神入谷中。聞人說話。如隔里許。一一明了。而聲入皆如谷中。答嚮。未嘗不聞。我未嘗一聞。此爲神在谷中。隨時可以自驗。一則靜中。目光騰騰。滿前皆白。如在雲中。開眼覓身。無從覓視。此爲虛室生白。內外通明。吉祥止止也。一則靜中。肉身細縵。如緜如玉。坐中若留不住。而騰騰上浮。此爲神歸頂天。久之上昇可以立待。此三者。皆見在可驗者也。然亦是說不盡的。隨人根器。各見殊勝。如止觀中所云。善根發相是也。此事如人飲水。冷暖自知。須自己信得方真。此若得。丹先天一炁。卽在見前證驗中自討。一炁若得。丹亦立成。此一粒真黍珠也。一粒復一粒。從微而

至著。有時時之先天。一粒是也。有統體之先天。一粒乃至無量是也。一粒有一粒力量。此要自

回光活法第七

呂祖曰。回光循循然行去。不要廢棄正業。古人云。事來要應過。物來要識破。子以正念治事。即光不爲物轉。光即自回。此時時無相之回光也。尚可行之。而況有真正著相回光乎。便日用間。能刻刻隨事返照。不著一毫人我相。便是隨地回光。此第一妙用。清晨能遣盡諸緣。靜坐一二時最妙。凡應事接物。只用返照法。便無一刻間斷。如此行之。三月兩月。天上諸真必來印證矣。

逍遙訣第八

呂祖曰。玉清留下逍遙訣。四字凝神入炁穴。六月俄看白雲飛。三更又見日輪赫。水中吹起藉巽風。天上遊歸食坤德。更有一句玄中玄。無何有鄉是真宅。律詩一首。玄奧已盡。大道之要。不外無爲而爲四字。惟無爲。故不滯方所形象。惟樞機全在二目。二目者。斗炳也。幹旋造化。轉運陰陽。其大藥則始終一水中金。卽水鄉鉛而已。前言回光。乃指點初機。從外以制內。卽輔以得主。此爲中上之士。修下二關。以透上一關者也。今頭緒漸明。機括漸熟。天不愛道。直泄無上宗旨。諸子秘之秘之。勉之勉之。夫回光其總名耳。工夫進一層。則光華盛一番。回法更妙一番。前者由外制內。今則居中御外。

前者卽輔相主。今則奉主宣猷。面目一大顛倒矣。
。法子欲入靜。先調攝身心。自在安和。放下萬
緣。一絲不挂。天心正位乎中。然後兩目垂簾。
如奉聖旨。以召大臣。孰敢不遵。次以二目內照
坎宮。光華所到。真陽卽出以應之。離外陽而內
陰。乾體也。一陰入內而爲主。隨物生心。順出
流轉。今回光內照。不隨物生心。陰氣卽住。而
光華注照。則純陽也。同類必親。故坎陽上騰。
非坎陽也。仍是乾陽應乾陽耳。二物一遇。便紐
結不散。網縕活動。倏浮倏去。倏浮倏沉。自己
元宮中。恍若太虛無量。徧身輕妙欲騰。所謂雲
滿千山也。次則來往無蹤。浮沉無辨。脈住炁停
。此則真交媾矣。所謂月涵萬水也。俟其冥冥中
。忽然天心一動。此則一陽來復。活子時也。然

而此中消息要細說。凡人一視一聽。耳目逐物而動。物去已已。此之動靜。金是民庶。而天君反隨之役。是嘗與鬼居矣。今則一動一靜。皆與人。天居乃真人也。彼動即與之俱動。動則天根。靜則與之俱靜。靜則月窟。亦與之。為靜動無端。休息上下。亦與之。為休息上下。所謂天根月窟間來往也。天心鎮靜。動違其時。則失之嫩。天心已動。而後動以應之。則失之老。天心一動。即以真意上昇乾宮。而神光視頂。為導引焉。此動而應時者也。天心既昇乾頂。游揚自得。忽而欲寂。急以真意引入黃庭。而目光視中黃神室焉。既而欲寂者。一念不生矣。內視者。忽忘其視矣。爾時身心。便當一場大放。萬緣泯迹。即我之神室爐鼎。亦不知在何所。欲覓已

身。了不可得。此爲天入地中。衆妙根之時也。即此便是凝神入炁穴。夫一回光也。始而散者欲歛。六用不行。此爲涵養本原。添油接命也。既而歛者自然優游。不費纖毫之力。此爲安神祖竅。翕聚先天也。既而影嚮俱滅。寂然大定。此爲蟄藏炁穴。衆妙歸根也。一節中具有三節。一節中具有九節。且俟後日發揮。今以一節中。具三節言之。當其涵養而初靜也。翕聚亦爲涵養。蟄藏亦爲涵養。至後而涵養皆蟄藏矣。中一層可類推。不易處而處分矣。此爲無形之竅。千處萬處一處也。不易時而時分焉。此爲無侯之時。元會運世一刻也。凡心非靜極。則不能動。動動忘動。非本體之動也。故曰感於物而動。性之欲也。若不感於物而

動。即天之動也。是知以物而動。性之欲也。若不以物而自動。即天之動也。不以天之動對天之性。句落下說箇欲字。欲在有物也。此爲出位之思。動而有動矣。一念不起。則正念乃生。此爲真意。寂然大定中。而天機忽動。非無意之動乎。無爲而爲。即此意也。詩首二句。全括金華作用。次二句是日月互體意。六月即離火也。白雪飛即離中真陰將返乎坤也。三更即坎水也。日輪即坎中一陽。將赫然而返乎乾也。取坎填離。即在其中。次二句說斗柄作用。昇降全機。水中非坎乎。目爲巽風。目光照入坎宮。攝召太陽精之是也。天上即乾宮。遊歸食坤德。即神入炁中。天入地中。養火也。末二句是指出訣中之訣。訣中之訣。始終離不得。所謂洗心滌慮爲沐浴也。

聖學以知止始。以止至善終。始乎無極。歸乎無極。佛以無住而生心。爲一大藏教指。吾道以致虛二字。完性命全功。總之三教不過一句。爲出死入生之神丹。神丹爲何。曰一切處無心而已。吾道最秘者沐浴。如此一部全功。不過心空二字。足以了之。今一言指破。省卻數十年參訪矣。子輩不明一節中具三節。我以佛家空假中三觀爲喻。三觀先空。看一切物。皆空。次假。雖知其空。然不毀萬物。仍於空中建立一切事。既不毀萬物。而又不著萬物。此爲中觀。當其修空觀時。亦知萬物不可毀。而又不著。此兼三觀也。然畢竟以看得空爲得力。故修空觀。則空固空。假亦空。中亦空。修假觀。是用上得力居多。則假固假。空亦假。中亦假。中道時亦作空想。然不

名爲空而名爲中矣。亦作假觀。然不名爲假而名爲中矣。至於中則不必言矣。吾雖有時單言離。有時兼說坎。究竟不會移動一句。開口提云。樞機全在二目。所謂樞機者用也。用卽斡旋造化。非言造化止此也。六根七竅。悉是光明藏。豈取二目。而他概不問乎。用坎陽。仍用離光照攝。卽此便明。朱子雲陽師諱元育。北宋法派。嘗云瞎子不好修道。聾子不妨。與吾言暗合。特表其主輔經重耳。日月原是一物。其日中之暗處。是真月之精。月窟不在月而在日。所謂月之窟也。不然、自言天足矣。月中之白處。是真日之光。日光反在月中。所謂天之根也。不然、自言天足矣。一日一修。分開止半箇。合來方成一個箇全體。如一夫一婦。獨居不成室家。有夫有婦。方

算得一家完全。然而物難喻道。夫婦分開。不失爲兩人。日月分開。不成全體矣。知此則耳目猶是也。吾謂瞎子已無耳。聾子已無目。如此看來。說甚一物。說甚兩目。說甚六根。六根一根也。說甚七竅。七竅一竅也。吾言只透露其相通處。所以不見有兩。子輩專執其隔處。所以隨處換卻眼睛。

百日立基第九

呂祖曰。心印經云。迴風混合。百日功靈。總之立基百日。方有真光。如子輩尚是目光。非神火也。非性光也。非智慧炬燭也。回之百日。則精炁自足。真陽自生。水中自有真火。以此持行。自然交媾。自然結胎。吾方在不識不知之天。而嬰兒自成矣。若畧作意見。便是外道。百日立基

。非百日也。一日立基。非一日也。一息立基。
。非呼吸之謂也。息者自心也。自心爲息。元神也。
。元炁也。元精也。升降離合。悉從心起。有無
虛實。咸在念中。一息一生持。何止百日。然百
日亦一息也。
百日只在得力。晝間得力。夜中受用。夜中得力
。晝間受用。百日立基。玉旨耳。上真言語。無
不與人身應。真師言語。無不與學人應。此是玄
中之玄。不可解者也。見性乃知。所以學人。必
求真師授記。任性發出。一一皆驗。

性光識光第十

呂祖曰。回光之法。原通行住坐臥。只要自得機
竅。吾前開示云。虛室生白。光非白耶。但有一
說。初未見光時。此爲效驗。若見爲光。而有意

著之。卽落意識。非性光也。子不管他有光無光。只要無念生念。何爲無念。千休千處得。何爲生念。一念一生持。此念乃正念。與平日念不同。今心爲念。念者見在心也。此心卽光卽藥。凡人視物。任一眼照去。不及分別。此爲性光。如鏡之無心而照也。如水之無心而鑑也。少刻卽爲識光。以其分別也。鏡有影。已無鏡矣。水有象。已無水矣。光有識。尚何光哉。子輩初則性光。轉念則識。識起而光杳灸可覓。非無光。光已爲識矣。黃帝曰。聲動不生聲而生響。卽此義也。楞嚴推勘入門曰。不在塵。不在識。惟選根。此則何意。塵是外物。所謂器界也。與吾了不相涉。逐之則認物爲己。物必有還。至通還戶牖。明還日月。借他爲自。終非吾有。至

於不汝還者。非汝而雖。明還日月。見日月之明
無還也。天有無日月之時。人無有無見日月之性
。若然。則分別日月者。還可與爲吾有耶。不知
因明暗而分別者。當明暗兩忘之時。分別何在。
故亦有還。此無內塵也。惟見性無還。見見之時
。見非是見。則見性亦還矣。還者還其識念流轉
之見性。卽阿難使汝流轉。心目爲咎也。初入還
辨見時。上七者。皆明其一。一有還。故留見性。
以爲阿難拄杖。竟究見性。既帶八識眼識耳識鼻識
舌識身識意識傳送識阿賴耶識。非真不還也。最後
拼此亦破。則方爲真見性。真不還矣。子輩回光
。正回其最初不還之光。故一毫識念用不著。使
汝流轉者。惟此六根。使汝成菩提者。亦惟此六
根。而塵與識皆不用。非用根也。用其根中之性

耳。今不墮識回光。則用根中之元性。落識而回光。則用根中之識性。毫釐之辨在此也。用心卽爲識光。放下乃爲性光。毫釐千里。不可不辨。識不斷則神不生。心不空則丹不結。心淨則丹。心空卽藥。不著一物。是名心淨。不留一物。是名心空。空見爲空。空猶未空。空忘其空。斯名真空。

坎離交媾第十一

呂祖曰。凡漏洩精神。動而交物者。皆離也。凡收轉神識。靜而中涵者。皆坎也。七竅之外走者爲離。七竅之內返者爲坎。一陰主於逐色隨聲。一陽主於返聞收見。坎離卽陰陽。陰陽卽性命。性命卽身心。身心卽神炁。一自斂息。精神不爲境緣流轉。卽是真交。而沉默趺坐時。又無論矣。

周天第十二

。 呂祖曰。周天非以氣作主。以心到爲妙訣。若畢竟如何周天。是助長也。無心而守。無意而行。仰觀乎天。三百六十五度。刻刻變遷。而斗柄終古不動。吾心亦猶是也。心卽璇璣。炁卽衆生。吾身之炁。四肢百體。原是貫通。不要十分著力。於是鍛鍊識神。斷除妄見。然後藥生。藥非有形之物。此性光也。而卽先天之真炁。然必於大定後方見。並無採法。言採者大謬矣。見之既久。心地光明。自然心空漏盡。能脫塵海。若今日龍虎。明日水火。終成妄想。昔吾受火龍真人口訣如是。不知丹書所說更何如也。

一日有一周天。一刻有一周天。坎離交處。便是
一周。我之交。即天之回轉也。未能當下休歇。
所以有交之時。即有不交之時。然天之迴旋也。
未嘗少息。果能陰陽交泰。大地陽和。我之中宮
正位。萬物一時暢遂。即丹經沐浴法也。非大周
天而何。此中火候。實實有大小不同。究竟無大
小可別。到得工夫自然。不知坎離為何物。天地
為何等。孰為交。孰為一周兩周。何處覓大小之
別耶。總之一身旋運。雖見得極大亦小。若一迴
旋。天地萬物。悉與之迴旋。即在方寸處。亦為
極大。金丹火候。要歸自然。不自然。天地自還
天地。萬物各歸萬物。欲強之使合。終不能合。
即如天時亢旱。陰陽不和。乾坤未嘗一日不周。
然終見得有多少不自然處。我能轉運陰陽。調適

自然。一時雲蒸雨降。艸木酣適。山河流暢。縱有乖戾。亦覺頓釋。此卽大周天也。問活子時甚妙。必認定正子時。似著相。不著相。不指明正子時。從何識活子時。卽識爲活子時。確然又是正子時。是二是一。非正非活。總要人看得真。一真則無不正。無不活矣。見得不真。何者爲正。何者爲活耶。卽如活子時。是人所時時見得的。畢竟到正子時。志氣清明。活子時愈覺發現。人未識得活的明了。只向前的時候驗取。則正者現前。活者無不神妙矣。

勸世歌第十三

呂祖曰。吾因度世丹中熱。不惜婆心并饒舌。世尊亦爲大因緣。直指生死真可惜。老君也患有吾身。傳示谷神人不識。吾今畧說尋真路。黃中通

理載大易。正位居體是玄關。子午中間堪定息。光回祖竅萬神安。藥產川原一炁出。透膜變化有金光。一輪紅日常赫赫。世人錯認坎離精。搬運心賢成間隔。如何人道合天心。天若符兮道自合。放下萬緣毫不起。此是先天真无極。太虛穆穆朕兆捐。性命關頭忘意識。意識忘後見本真。水清珠現玄難測。無始煩障一旦空。玉京降下九龍冊。步雲漢兮登天關。掌雷霆兮驅霹靂。凝神定息是初機。退藏密地常爲寂。吾昔度張珍奴二詞。皆有大道。子後午前非時也。坎離耳。定息者。息息歸根。中黃也。坐者。心不動也。夾脊者。非背上輪子。乃直透玉京大路也。雙關者。此處有難言者。地雷震動山頭雨者。真氣生也。黃芽出土者。藥生也。小小二段

。已盡修行大路。明此可不感人言。
昔夫子與顏子登泰山頂。望吳門白馬。顏子見是
足練。夫子忽掩其目。恐其太用眼力。神光走落
。回光可不勉哉。
回光在純心行去。只將真息凝照於中宮。久之自
然通靈達變也。總是心靜炁定爲基。心氓炁凝爲
效。炁息心空爲丹成。心炁渾一爲溫養。明心見
性爲了道。子輩各宜勉力行去。錯過光陰可惜也
。一日不行。一日卽鬼也。一息行此。一息真仙
也。勉之勉之。

太乙金華宗旨終

無
根
樹

張三峰祖師無根樹註解

棲雲山劉悟元註
長乙山李涵虛增解

劉註無根樹者。詞之名也。凡樹有根。方能生發。
。樹若無根。必不久長。人生在世。生老病死。忽
在忽亡。百年歲月。火石電光。亦如樹之無根也。
。仙翁二十四詞。以無根樹爲名。叫醒世人。使
其看破浮生夢幻。早修性命耳。
李解無根樹。以人身氣言。人身百脉。皆生於氣。
。氣生於虛無之境。故曰無根。丹家於虛無境內。
。養出根芽。先天後天。皆自無中生有。是無根
乃有根之原也。煉後天者。須要入無求有。然後
以有投無。煉先天者。須要以有入無。然後自無
返有。修煉根因。如是而已。但人身之氣。有少
壯老之不同。修煉之氣。有前中後之各異。二十四

章。合一年氣候。皆勸人無根樹下。隨時看花。此道情之盡美盡善者也。

自題無根樹詞二首

鷓鴣天

道法流傳有正邪。人邪皆正遍天涯。
飛騰罕見穿雲鳳。陷溺多成落井蛙。
不難與辨亂紛譁。都將赤土作丹砂。
要知端的通玄路。細玩無根樹下花。

賣花聲

無根樹下說真常。六道含靈共一光。
會得威音前後事。本無來去貌堂堂。

明洪武十七年歲在甲子中和節大元遺老張三峰自
記於武當天柱峰之草廬

無根樹詞二十四首

無根樹。花正幽。貪戀榮華誰肯休。浮生事。苦
海舟。蕩去飄來不自由。無岸無邊難泊繫。常在
魚龍險處游。肯回首。是岸頭。莫待風波壞了舟。
無根樹。花正微。樹老重新接嫩枝。梅寄柳。桑
接梨。傳與修真作樣兒。自古神仙栽接法。人老
原來有藥醫。訪明師。問方兒。下手速修猶太遲。
無根樹。花正青。花酒神仙古到今。煙花寨。酒
肉林。不犯葷腥不犯淫。犯淫喪失長生寶。酒肉

穿腸道在心。打開門。說與君。無酒無花道不成。
無根樹。花正孤。借問陰陽得類無。雌雞卵。難
抱雛。背了陰陽造化爐。女子無夫爲怨女。男子
無妻是曠夫。嘆迷徒。太模糊。靜坐孤修氣轉枯。
無根樹。花正偏。離了陰陽道不全。金隔木。汞
隔鉛。陽寡陰孤各一邊。世上陰陽男配女。生子
生孫代代傳。順爲凡。逆爲仙。只在中間顛倒顛。
無根樹。花正新。產在坤方是坤人。摘花戴。採
花心。花蕊層層艷麗春。時人不達花中理。一訣
天機值萬金。借花名。作花身。句句敲爻說得真。

無根樹。花正繁。美貌嬌容似粉團。防猿馬。劣
更頑。掛起娘生鐵面顏。提出青龍真寶劍。摘盡
牆頭朵朵鮮。趁風帆。滿載還。怎肯空行過寶山
。無根樹。花正飛。卸了重開有定期。鉛花現。癸
盡時。依舊西園花滿枝。對月纔經收拾去。又向
朝陽補衲衣。這玄機。世罕知。須共神仙仔細推
。無根樹。花正開。偃月爐中摘下來。延年壽。減
病災。好結良朋備法財。從茲可成天上寶。一任
羣迷笑我歎。勸賢才。休賣乖。不遇明師莫強猜
。無根樹。花正圓。結果收成滋味全。如朱橘。似
彈丸。護守隄防莫放閑。學些草木收頭法。復命

歸根返本原。選靈地。結道庵。會合先天了大還。
無根樹。花正亨。說到無根却有根。三才竅。二
五精。天地交時萬物生。日月交時寒暑順。男女
交時孕始成。甚分明。說與君。猶恐相逢認不真。
無根樹。花正佳。對景忘情玩月華。金精旺。耀
眼花。莫在園中錯揀瓜。五金八石皆爲假。萬草
千方總是差。金蝦蟆。玉老鴉。認得真鉛是作家。
無根樹。花正多。遍地開時隔愛河。難攀折。怎
奈何。步步行行龍虎窩。採得黃花歸洞去。紫府
題名永不磨。笑呵呵。白雲阿。準備天梯上大羅。

無根樹。花正香。鉛鼎溫溫現寶光。金橋上。望
曲江。月裏分明見太陽。吞服烏肝並兔髓。換盡
塵埃舊肚腸。名利場。恩愛鄉。再不回頭空自忙
無根樹。花正鮮。符火相煎汞與鉛。臨爐際。景
現前。採取全憑渡法船。匠手高強牢把舵。一任
洪波海底翻。過三關。透泥丸。早把通身九竅穿
無根樹。花正濃。認取真鉛正祖宗。精氣神。一
鼎烹。女轉成男老變童。欲向西方擒白虎。先往
東家伏了龍。類相同。好用功。外藥通時內藥通
無根樹。花正嬌。天應星兮地應潮。屠龍劍。縛
虎繚。運轉天罡幹斗梢。煅煉一爐真日月。掃盡

三千六百條。步雲霄。任逍遙。罪垢凡塵一筆消。
無根樹。花正高。海浪滔天月弄潮。銀河路。透
九霄。槎影橫空泊斗梢。摸着織女支機石。踏遍
牛郎駕鵲橋。入仙曹。胆氣豪。盜得瑤池王母桃。
無根樹。花正雙。龍虎登壇戰一場。鉛投汞。陰
配陽。法象玄珠無價償。此是家園真種子。返老
還童壽命長。上天堂。極樂方。免得輪迴見閻王。
無根樹。花正奇。月裏栽培片晌時。拏雲手。步
雲梯。採取先天第一枝。飲酒帶花神氣爽。笑煞
仙翁醉似泥。託心知。謹護持。惟恐爐中火侯飛。

無根樹。花正黃。產在中央戊己鄉。東家女。西
家郎。配合夫妻入洞房。黃婆勸飲醍醐酒。每日
醺蒸醉一場。這仙方。返魂漿。起死回生是藥王
。無根樹。花正明。月魄天心逼日魂。金烏髓。玉
兔精。二物擒來一處烹。陽光陰符分子午。沐浴
加臨卯酉門。守黃庭。養谷神。男子懷胎笑煞人
。無根樹。花正紅。摘盡紅花一樹空。空卽色。色
卽空。識透真空在色中。了了真空色相滅。法相
長存不落空。號圓通。稱大雄。九祖超昇上九重
。無根樹。花正無。無影無形難畫圖。無名姓。却
聽呼。擒入中間造化爐。運起周天三昧火。煅煉

。真空返太無。謁仙都。受天符。纔是男兒大丈夫。

讚曰

吐老莊之秘密。續鍾呂之心傳。揭示先天妙理。劈開曲徑虛懸。鼎爐正邪分別。藥物真假顯然。空色混爲一氣。剛柔匹配兩弦。丹法始終皆泄盡。火符進退俱曷全。二十四詞長生訣。知者便成不死仙。

讚曰

洒彌天之花雨。布滿地之黃金。手敲魚鼓簡板。口歌上洞仙音。四洲齊慶萬古道情。呵。悟元處處語真靈。先把吾家主意存。山人照本宣真訣。

度世宏開不二門。

水仙鑑所載

永樂皇帝訪三峰書

皇帝敬奉書真仙三峰張先生足下。朕久仰真仙。渴思親承儀範。嘗遣使奉香致書。遍謁名山虔請真仙。道德崇高。超乎萬有。體合自然。神妙莫測。朕才質疎庸。德行菲薄。而至誠願見之心。夙夜不忘。敬再遣使。謹致香奉書。虔請拱候龍車鳳駕。惠然而來。以副朕拳拳仰慕之懷。敬奉書。

三峰託孫碧雲轉奏書

聖師親口訣。明方萬古遺。傳與世間人。能有幾
人知。衣破用布補。樹衰以土培。人損將何補。
陰陽造化機。取將坎中寶。金花露一枝。慶雲開
天際。祥光塞死基。歸已昏昏默。如醉亦如痴。
大丹如黍米。脫殼證無爲。優遊天地廊。萬象掌
中珠。人能服此藥。壽與天地齊。如若不延壽。

吾言皆是非。
金丹重一斤。閉目靜存神。只在家中取
何勞向外尋。煉成離女汞。吞盡坎男精
金丹並火候。口口是元音

集編者註釋：今只刊載其本文。其議理可從劉悟
元前註。李涵虛增解。文詞。讚內得之。并刊登
水仙鑑所載。永樂皇帝訪三峰書及三峰覆書詞。

以爲參者助也。詳細註解。待有機緣。當以單行
本重刊流通。

修道眞言

修道真言 序

宋白玉蟾著成此書。乃升天之靈梯。歸西之徑路也。無知文人學士置性命而不講。以文字爲要務。遂致先天大道。日失其傳。而身墮沉淪。歷千萬劫而難出苦海。深可慨已。蓋道之大。原出於天。天之命於人者。卽此一點靈光耳。人人具此靈光。無分賢愚。無論貴賤。莫不能全受全歸。以後天返先天。厥性復初。不墮輪迴。不墮地獄。拔祖超玄。永作世外之客。長享快樂之天。奈何世人薰心富貴。肆志聲華。執迷膠固。雖經聖賢仙佛。屢指迷津。賜以寶筏。而總不回頭。何哉？或因塵網所縛。成因理障所蔽。遂謂聖賢仙佛爲不足深信。此私心之必不可破也。今當東林普渡。先天玄機真締。寓於沙盤木筆間。人皆

不以爲真。反以爲怪。此劫奚能消乎。茲修道真
言一書。雖談玄妙。乃與先儒語錄無二。易破士
子之疑。易醒末學之迷。誠屬善策也。生等勉乎
哉。余以巡察到此。香阻雲旌。因於百忙中而樂
爲之序。

同治元年三月十三日

太白金星李降筆於秣陵之至善壇

修道真言

白叟玉蟾宋子輯

凡參玄宗。不難得手。難從性宗參入。如從此
入。便得淵源。倘錯行路徑。如書空尋跡。披小
覓路矣。

修玄之理。可以意會。不可以言傳。古人章句
之中。隱隱存焉。天不言而四時行。人身陰陽消

息。人不能使之然也。大道之妙。全在凝神處。凡聞道者。宜領此意求之。凝神得竅。則勢如破竹。節節應手。否則面牆而立。一步不能進。學道之人。須要海闊天空。方可進德。心不虛空。神不安定。能使心不動。便可立丹基。學道之人。以養心為主。心動神疲。心定神閒。疲則道隱。閒則道生。胸次浩浩。乃可載道。邪說亂道久矣。採戰。燒汞。搬運。皆邪道也。年少者。不篤信者。皇皇趨利者。皆未易言此道。欲修此道。先宗一『淡』字。靜時煉氣。動時煉心。下學之功畢矣。須節欲。先天必須後天足。仙凡界。人鬼關。全在用功夫。然用功夫者。

如擒狡兔然。稍懈則兔縱。稍緊則兔死。須於空虛之中覓之。否則何足言功夫哉？凡人心不內守。則氣自散。若能時時內觀。則氣自斂。調養內腑。久之。神氣充足。古云。『常使氣通關節透。自然精滿谷神存』。動時茫茫。不知此心久不在腔子裏。學道者。要先知收心法。再言靜功。欲學玄宗。須先時時瞑目。一日間。靜坐幾刻。再來問道。聰明智慧不如愚。學人只因伶俐二字。生出意見。做出許多壞事。今欲收拾身心。先從一個愚字起。天之生人。人之所生而不可死者。於穆不已也。人若無此『不已』則氣絕矣。故天地以氣機存。

人亦以氣機生。能煉住氣機。便與天地齊壽。便
不息矣。不息則久。中庸言之矣。要入玄關。須用定力。
定則靜。靜則生。不做靜中能靜。必須動中能靜。
。方見工夫之力。神定。內一著也。事來心應。
事去心止。氣定。外一著也。語謹形正。語端氣
峻。下學要緊處。全在正氣。安神。忘心。守口
而已。
修道原從苦中來。但得清閒處便清閒。此卽是
道。且更須忙裏偷閒。故人能偷閒便有閒。不然
。則終身無寧晷矣。
。心乃一身之主。故主人要時時在家。一時不在
。則官骸亂矣。所以學道貴恒。始勤終怠。或作
或輟。則自廢也。

四大威儀。皆是假。一點靈光才是真。晦藏靈明無多照。方現真如不二身。則此『一點』如劍上鋒。如石中火。一現即去。故修養家要養聖胎。孕嬰兒者。此也。及至精乾血枯。屈迪蒲團。有何益哉。

今人慕道者多矣。俗網牽人。是以道心不進。至人非不憫世。奈世人自轆轤何。今為學子脫此苦惱。畧敷數言。夫心之動。非心也。意也。神之馳。非神也。識也。意多欲。識多愛。去此二賊。真性圓明。不欲何貪？不愛何求？無貪無求。性如虛空。煩惱妄想。皆不為累。再加煉氣。金丹可成。神仙可冀。心在腔子裏。則氣存矣。居塵養氣只在收心。心在腔子裏。則氣存矣。居塵

不染塵。乃上品也。其次避之。清淨二字。是換骨法。凡人能治心。便是道中人。若全消俗障。何患乎不成。

虛之又虛。與天合體。空空空。空中有實功。若還純寂滅。終是落頑空。

靜坐者。不在坐時靜。要在常時靜。靈臺不滅。慧覺常存。此道之至寶也。然無形無影。莫可明言。默以心會。不在外求。神乃心之苗也。面色潤澤。方徵血氣冲和。總要華池養得水足。意樹自然花開。昔人救人尋孔顏樂處。此樂非章句所能尋。在天命也。心靜則神清。神清則氣合。始可得之。在下手功夫疎不得。因循無益。得一刻便做一刻。

。念頭須時時反照此處。神到則氣到。氣到則命
堅。敬慎二字。通天澈地。再無放心之人。能仙能
佛。人生做事業。傳千古。不過此一點神光耳。然
神非精不能生。而精非靜不能養。欲至極虛極靈
地位。須煉此能生能養功夫。一時忘道。則起一時
道心常現。則凡念自退。一時忘道。則起一時
之凡念。一念忘道。則起一念之凡情。須要時時
提醒。人生若幻。須要尋着真身。天下無一件是實。
連此身也不是自家的。只這一點靈光。若無所依
。則滅度時。何所附着。豈不哀哉。

焚香烹茶。是道也。即看山水雲霞。亦是道。胸中只要浩浩落落。不必定在浦團上求道。學道是樂事。樂則是道。苦則非道。但此樂不比俗人樂耳。

居塵世中。應酬最是妨道。人能於塵事少一分。道力即進一分。幻緣不破。終無着處。人當以聖賢自持。不可小視自己。則上達矣。故天下未有不聖賢的神仙。世人當知儉之道。儉於目可以養神。儉於言可養氣。儉於慾可以養精。儉於事可以養心。儉於心可以出生死。是儉為萬化之柄。若不知儉之道。惟以刻薄慳吝是趨。則於儉之道。失之遠矣。無上妙道。原從沉潛幽靜中得來。若是一念紛紜。則萬緣蔚起。身心性命。何日得了？一己尚

不能照應。何暇及他事哉。人須亟亟回首。早登彼岸。

玄功不但要養氣足精。仍宜運髓補腦。家私攢聚到十方。方稱富足。倘身中少有缺乏。便是空體面的窮漢子。分明一條好路。如何不走。可惜一個神仙闕。夜間難道也匆忙。煩惱是伐性之斧。人當於難制處下功夫。若不得氣質變化過。怎成得善士？凡學道人言語行事。必較世俗人要超脫些。若仍是俗人行徑。何貴乎學道？學道先以變化氣質為主。再到與人接物上渾厚些。方是道器。今之文人。只因理障。難以入道。不知道卽孔孟之道。濂溪。堯夫。非此乎？不可專作道家看。

。要知儒與道是合一的。周邵二子。何嘗出家修行耶。今人將道作出世一派而畏之。何其誤也。春桃多艷。是三冬蘊藏之真陽也。秋菊多黃。是三伏聚養之真陰也。此中玄理。意會者得之。人爲形質所累。年紀一到。則百節風生。四體皆痛。何必地獄？卽此便是。早日倘稍有靜功。就可免此一段苦楚。故形爲我所愛。我亦爲形所累。將此一段靈性。做到把持得住時。出生入死。總由我使喚。學道者。首以清心寡欲爲主。高枕茅簷。肆志竹窗。方是道家逸品。若紛紛逐逐。何異流俗？陶冶性情。變化氣質。二語。乃入門之始事也。修道之人。未有不靜默者。粗心浮氣。一毫用不得。

有問前知者。答曰。機從心生。事以理斷。以理斷事。人卽神也。棄理問神。神亦不告。凡入玄門。只以靜性爲主。如目前春庭新雨。四壁寂然。草木含春。暗藏長養。理會此中。就有個究竟。不必定以談玄爲道。人心。如目也。纖塵入目。目必不安。小事入心。此心卽亂。故學道只在定心。若心不定。卽紙窗之微。爲人扯破。必生怒忿。一針之細。爲人取去。便生吝惜。又不定以富貴亂心。得失分念。煩邪亂想。隨覺卽除。毀譽善惡。聞卽撥去。莫將心受。心受則滿。心滿則道無所居。要令閒然是非。不入於心。是心不外受。名曰虛心。使心不逐外。是名安心。心安而虛。道自來居。

仙經云。專精養神。不爲物雜。謂之清。反神復氣。安而不動。謂之靜。制念以定志。靜身以安神。保氣以存精。思慮兼忘。冥想內觀。則身神並一。身神並一。則近真矣。垢漸去而鏡明。心漸息而性澄。養成一泓秋水。我不求鏡物。而物自入我鏡中。有諸內心。必形諸外。一毫也假不得。前賢云。山有美玉。則草木爲之不凋。身有妙道。則形骸爲之不敗。故心有真功夫者。貌必有好顏色。防微杜漸。總在人心猶火也。弗戢。將自焚。一心。天下人不難立志。最怕轉念。富貴二字。是釣人轉念的香餌。所以每每得道者。非貧寒卽大患難之後。何也？割絕塵累。回頭皆空。故孫真人

註惡疾論曰。『神仙數十人。皆因惡疾而得仙道。是塵緣都盡。物我俱忘。毫無轉念。因禍得福也。』。

凡修道之人。一手握住此物。行住坐臥。不爲外動。安如泰山。不動不搖。謹閉四門。使十三賊人不得外入。身中之寶。不使外出。日日如此。何必頂禮求真仙。便是蓬萊第一座。道玄修與釋家不同。釋家呼此形骸爲臭皮囊。道家入門。全要保此形體。故形爲載道之車。神去形卽死。車敗馬卽奔。大道之傳。原是不難。是世人錯走路頭。做得如此費力。豈不聞『大道不遠在身中。萬物皆空性不空。性若空時和氣注。氣歸元海壽無窮』。又曰『欲得身中神不出。莫向靈台留一物。物在

身中神不清。耗散真精道難得。『一念動時皆是火。萬緣寂處即生真』。此守中之規也。進道之要。無如問心。故云。『學道先從識自心。自心深處最難尋。若還尋到無尋處。始信凡心即道心。』

學道性要頑鈍。毋用乖巧。其要總在將心放在何思何慮之地。不識不知之天。此大道之總綱也。

捷徑之法。惟守此一心。陽氣不走。相聚為元海。

夫道未有不探討而得者。即三教聖人語錄。無非發天地之秘密。接引後學之階梯。細心玩味。無便知端底。

有問靜功拿不住者。答曰。『萬緣寂處。即是

仙界。此時誠一不二。龍可拏虎可捉。若云無拏處。仍是未空』。

光景倏忽。魯戈難留。那還禁得執着？自一身推之。吾一身即天地。天地即吾一身。天下之人即吾。吾即天下之人。不分人我。方是人道之器。倘少分芥蒂。即差失本來。

凡有志修道者。趁得一時閒光陰。便進步用功夫去。將精氣神做到混合而為一的時節。以待時機之來。不可望事全方下手。是自虛時日也。悠悠忽忽。日復一日。白駒易過。幾見揮戈？

三界之中。以心為主。心能內觀。即一時為塵垢所染。終久必悟大道。若心不能內觀。究竟必落沉淪。故道德經首章曰。『常有欲以觀其竅』者。觀此竅也。『常無欲以觀其妙』者。觀此竅者。

中之妙也。太上曰。『吾從無量劫中以來。存心內觀。以至虛無妙道。』學子既欲潛心。先去內觀。待心中如秋潭印明月。再談進步。

初入玄關者。不用他求。自今日始。要無漏精液。便是登仙梯航。便是結嬰種子。修道功夫。如抽蕉剝筍。層層求進。必至頭方止。

學道人全要斂藏。最忌明察。故曰。『人不藏。不能得道之要。』

萬事萌芽。在乎一心。心動則機動。機動則神明而合之。故曰。『至誠之道。可以前知。』神而明之。存乎其人。修道總是煉得一箇性。有天命之性。有氣質之

性。本來虛靈。是天命之性。日用尋常。是氣質之性。今一個天命之性。都為氣質之性所掩。苦煉去氣質之性。自現出天命之性來。而道得矣。先天一炁。本屬無形。妙能生諸有形。所以為生。天生地生人生物之根本也。而道之源頭在是矣。真言數段。性體性源。將歷代聖賢未洩之天機。不惜一口道盡。然理雖載於書。法乃傳於口。必待聖師口訣真傳。下手方有落着。學人切勿自作聰明可也。

修道真言終

達摩破相法

達摩大師破相論

渝州華嚴寺沙門釋宗鏡校刻

論曰。若復有人志求佛道者。當修何法最爲省要。問。答曰。唯觀心一法。總攝諸法。最爲省要。問曰。何一法能攝諸法。答曰。心者萬法之根本。一切諸法唯心所生。若能了心。則萬法俱備。猶如大樹。所有枝條及諸花果。皆悉依根。栽樹者。存根而始生子。伐樹者。去根而必死。若了心修道。則少力而易成。不了心而修。費功而無益。故知一切善惡皆由自心。心外別求。終無是處。問曰。云何觀心稱之爲了。答菩薩摩訶薩。行深般若波羅密多時。了四大五陰。本空無我。了見自心起用。有二種差別。云何爲二。一者淨心。

二者染心。此二種心法。亦自然本來俱有。雖假緣合。互相因待。淨心恒樂善因。染體常思惡業。若不受所染。則稱之爲聖。遂能遠離諸苦。證涅槃樂。若墮染心。造業受其纏覆。則名之爲凡。沈淪三界。受種種苦。何以故。由彼染心。障真如體故。十地經云。衆生身中有金剛佛性。猶如日輪。體明圓滿。廣大無邊。只爲五陰重雲所覆。如餅內燈光。不能顯現。又涅槃經云。一切衆生悉有佛性。無明覆故。不得解脫。佛性者。卽覺性也。但自覺覺他。覺知明了。則名解脫。故知一切諸善。以覺爲根。因其覺根。遂能顯現諸功德樹。涅槃之果德。因此而成。如是觀心。可名爲了。

問。上說真如佛性。一切功德。因覺爲根。未審無明之心。以何爲根。答。無明之心。雖有八萬四千煩惱情欲及恒河沙衆惡。皆因三毒以爲根本。其三毒者。貪嗔癡是也。此三毒心。自能具足一切諸惡。猶如大樹。根雖是一。所生枝葉其數無邊。彼三毒根。一一根中。生諸惡業百千萬億。倍過於前。不可爲喻。如是三毒心。於本體中。應現六根。亦名六賊。卽六識也。由此六識出入諸根。貪著萬境。能成惡業。障真如體。故名六賊。一切衆生。由此三毒六賊。惑亂身心。沉沒生死。輪迴六趣。受諸苦惱。猶如江河。因小泉源。洎流不絕。乃能彌漫。波濤萬里。若復有人斷其本源。卽衆流皆息。求解脫者。能轉三毒爲三驟淨戒。轉六賊爲六波羅密。自然永離一切

諸苦。問。六趣三界廣大無邊。若唯觀心。何由免無窮之苦。答。三界業報。唯心所生。本若無心。於三界中。卽出三界。其三界者。卽三毒也。貪爲欲界。嗔爲色界。癡爲無色界。故名三界。由此三毒。造業輕重。受報不同。分歸六處。故名六趣。問。云何輕重分之爲六。答。衆生不了正因。迷心修善。未免三界。生三輕趣。云何三輕趣。所謂迷修十善。妄求快樂。未免貪界。生於天趣。迷持五戒。妄起愛憎。未免嗔界。生於人趣。迷執有爲。信邪求福。未免癡界。生何修羅趣。如是三類。名三輕趣。云何三重。所謂縱三毒心。唯造惡業。墮三重趣。若貪業重者。墮餓鬼趣。瞋業重者。墮地獄趣。癡業重者。墮畜生趣。如是三重。通前三輕。遂成六趣。故知

一切苦業由自心生。但能攝心。離諸邪惡。三界六趣輪迴之苦。自然消滅離苦。卽得解脫。無量勤苦。問。如佛所說。我於三大阿僧祇劫。無量勤苦。方成佛道。云何今說唯只觀心。制三毒。卽名解脫。答。佛所說言。無虛妄也。阿僧祇劫者。卽三毒心也。胡言阿僧祇漢名不可數。此三毒心於中有恒沙惡念。於一一念中。皆爲一劫。如是恒沙不可數也。故言三大阿僧祇。眞如之性。既被三毒之所覆蓋。若不超彼三大恒沙毒惡之心。云何名爲解脫。今若能轉貪嗔癡等三毒心。爲三解脫。是則名爲得度三大阿僧祇劫。末世衆生。愚癡鈍根。不解如來三大阿僧祇秘密之說。遂言成佛。塵劫未期。豈不疑誤行人退菩提道。問。菩薩摩訶薩。由持三聚淨戒。行六波羅密。

方成佛道。今令學者唯只觀心。不修戒行。云何成佛。答。三驟淨戒者。卽制三毒心也。制三毒成無量善聚。聚者會也。無量善法普會於心。故名三聚淨戒。六波羅密者。卽淨六根也。胡名波羅密。漢名達彼岸。以六根清淨。不染六塵。卽是度煩惱河。至菩提岸。故名六波羅密。問。如經所說。三聚淨戒者。誓斷一切惡。誓修一切善。誓度一切衆生。今者唯言制三毒心。豈不文義有乖也。答。佛所說是真實語。菩薩摩訶薩。於過去因中修行時。爲對三毒。發三誓願。持一切淨戒。對於貪毒誓斷一切惡。常修一切善。對於瞋毒。誓度一切衆生。故常修慧。對於癡毒。由持如是戒定慧等三種淨法。故能超彼三毒成佛道也。諸惡消滅。名爲斷。以能持三聚淨戒。

則諸善具足。名之爲修。以能斷惡修善。則萬行成就。自它俱利。普濟群生。故名解脫。則如所修戒行不離於心。若自心清淨。則一切佛土皆悉清淨。故經云。心垢則衆生垢。心淨則衆生淨。欲得佛土。當淨其心。隨其心淨。則佛土淨也。三聚淨戒自然成就。問曰。如經所說。六波羅密者。亦名六度。所謂布施持戒忍辱精進禪定智慧。今言六根清淨。名波羅密者。若爲通會。又六度者。其義如何。答。欲修六度。當淨六根。先降六賊。能捨眼賊。離諸色境。名爲布施。能禁耳賊。於彼聲塵。不令縱逸。名爲持戒。能伏鼻賊。等諸香臭。自在調柔。名爲忍辱。能制口賊。不貪諸味。讚詠講說。名爲精進。能降身賊。於諸觸慾。湛然不動。

。名爲禪定。能調意賊。不順無明。常修覺慧。
名爲智慧。六度者運也。六波羅蜜。喻若船筏。
能運衆生。達於彼岸。故名六度。曾飲三斗六升
問。經云。釋迦如來。爲菩薩時。曾飲三斗六升
乳糜。方成佛道。先因飲乳。後證佛果。豈唯觀
心得解脫也。答。成佛如此。言無虛妄也。必因
食乳。然始成佛。言食乳者。有二種。佛所食者
。非是世間不淨之乳。乃是清淨法乳。三斗者。
三聚淨戒。六升者。六波羅蜜。成佛道時。由食
如是清淨法乳。方證佛果。若言如來食於世間和
合不淨牛羶腥乳。豈不謗誤之甚。眞如者。自是
金剛不壞。無漏法身。永離世間一切諸苦。豈須
如是不淨之乳。以充飢渴。經所說。其牛不在高
原。不在下濕。不食穀麥糠麩。不與特牛同群。

其牛身作紫磨金色。言牛者。毗盧舍那佛也。以大慈悲憐愍一切。故於清淨法體中。出如是三聚淨戒六波羅蜜微妙法乳。養育一切求解脫者。如是眞淨之牛。清淨之乳。非但如來飲之成道。一切衆生若能飲者。皆得阿耨多羅三藐三菩提。問。經中所說。佛令衆生修造伽藍。鑄寫形像。燒香散花。燃燈。晝夜六時遶塔行道。持齋禮拜。種種功德。皆成佛道。若唯觀心。總攝諸行。說如是事。應虛空也。佛所說經。有無量方便。以一切衆生。鈍根狹劣。不悟甚深之義。所以假有爲。喻無爲。若復不修內行。唯只外求。希望獲福。無有是處。言伽藍者。西國梵語。此土翻爲清淨地也。若永除三毒。常淨六根。身心湛然。內外清淨。是名修伽藍。鑄寫形像者。卽是一

切衆生求佛道也。所爲修諸覺行。彷彿如來眞容妙相。豈遣鑄寫金銅之所作也。是故求解脫者。以身爲爐。以法爲火。以智慧爲巧匠。三聚淨戒。六波羅蜜。以爲模樣。鎔鍊身中眞如佛性。遍入一切戒律模中。如教奉行。一無漏缺。自然成就眞容之像。所謂究竟常住微妙色身。非是有爲敗壞之法。若人求道。不解如是鑄寫眞容。憑何輒言功德。燒香者。亦非世間有相之香。乃是無爲正法之香也。薰諸臭穢無明惡業。悉令消滅。其正法香者。有其五種。一者戒香。所謂能斷諸惡。能修諸善。二者定香。所謂深信大乘。心無退轉。三者慧香。所謂常於身心。內自觀。四者解脫香。所謂能斷一切無明結構。五者解脫知見香。所謂觀照常明。通達無礙。如是五種香。名

爲最上之香。世間無比。佛在世日。令諸弟子以
智慧火。燒如是無價珍香。供養十方諸佛。今時
衆生不解如來真實之義。唯將外火燒世間沈檀。
薰陸質礙之香。希望福報。云何得。散花者。義
亦如是。所謂常說正法。諸功德花。饒益有情。
散沾一切。於真如性。普施莊嚴。此功德花。佛
所讚歎。究竟常住。無彫落期。若復有人散如是
花。獲福無量。若言如來令衆生。剪截繒彩。傷
損草木。以爲散花。無有是處。所以者何。持淨
戒者。於諸天地。森羅萬像。不令觸犯。誤犯者
。猶獲大罪。況復今者故毀淨戒。傷萬物求於福
報。欲益返損。豈有是乎。又長明燈者。卽正覺
心也。以覺明了。喻之爲燈。是故一切求解脫者
。以身爲燈臺。心爲燈炷。增諸戒行。以爲添油

。智慧明達。喻如燈火。當燃如是真正覺燈。照
破一切無明癡暗。能以此法。轉相開示。卽是一
燈燃百千燈。以燈續燃。燃燈無盡。故號長明。
過去有佛。名曰燃燈。義亦如是。愚癡衆生。不
會如來方便之說。專行虛妄。執著有爲。遂燃世
間蘇油之燈。以照空室。乃稱依教。豈不謬乎。
所以者何。佛放眉間一毫相光。上能照萬八千世
界。豈假如是蘇油之燈。以爲利益。審察斯理。
應不然乎。又六時行道者。所謂六根之中。於一
切時。常行佛道。修諸覺行。調伏六根。長時不
捨。名爲六時。遶塔行道者。塔是身心也。當令
覺慧巡遶身心。念念不停。名爲遶塔。過去諸聖
。皆行此道。得至涅槃。今時世人。不會此理。
曾不內行。唯執外求。將質礙身。遶世間塔。日

夜走驟。徒自疲勞。而於真性。一無利益。又持齋者。當須會意。不達斯理。徒爾虛切。齋者齊也。所謂齋正身心。不令散亂。持者護也。所謂於諸戒行。如法護持。必須外禁六情。內制三毒。勤覺察。淨身心。了如是義。名為持齋。又持齋者。食有五種。一者法喜食。所謂依持正法。歡喜奉行。二者禪悅食。所謂內外澄寂。身心悅樂。三者念食。所謂常念諸佛。心口相應。四者願食。所謂行住坐臥。常求善願。五者解脫食。所謂心常清淨。不染俗塵。此五種食。名為齋食。若復有人。不食如是五種淨食。自言持齋。無有是處。唯斷於無明之食。若輒觸者。名為破齋。若有破。云何獲福。世有迷人。不悟斯理。身心放逸。諸惡皆為。貪慾恣情。不生慚愧。唯斷

外食。自爲持齋。必無是事。又禮拜者。當如是法也。必須理體內明。事隨權變。理有行藏。會如是義。乃名依法。夫禮者敬也。拜者伏也。所謂恭敬真性。屈伏無明。名爲禮拜。若能惡情永滅。善念恒存。雖不現相。名爲禮拜。其相卽法相也。世尊欲令世俗表謙下心。亦爲禮拜。故須屈伏外身。示內恭敬。舉外明內。性相相應。若復不行理法。唯執外求。內則放縱瞋癡。常爲惡業。外卽空勞身相。詐現威儀。無慚於聖。徒誑於凡。不免輪迴。豈成功德。此則憑問。如溫室經說。洗浴衆僧。獲福無量。此則憑於事法。功德始成。若爲觀心可相應否。答。洗浴衆僧者。非洗世間有爲事也。世尊當爾爲諸弟子說溫室經。欲令受持洗浴之法。故假世事。比

喻真宗。隱說七事供養功德。其七事云何。一者淨水。二者燒火。三者澡豆。四者楊枝。五者淨灰。六者蘇膈。七者內衣。以此七法喻於七事。一切衆生由此七法。沐浴莊嚴。能除毒心無明垢穢。其七法者。一者謂淨戒。洗蕩僭非。猶如淨水濯諸塵垢。二者智慧觀察內外。猶如燃火。能溫淨水。三者分別。簡棄諸惡。猶如澡豆。能淨垢膩。四者真實。斷諸妄想。如嚼楊枝。能淨口氣。五者正信。決定無疑。猶如淨灰摩身。能辟諸風。六者謂柔和忍辱。猶如蘇膈。通潤皮膚。七者謂慚愧。悔諸惡業。猶如內衣。遮醜形體。如上七法。是經中秘密之義。如來當爾爲諸大乘利根者說。非爲小智下劣凡夫。所以今人無能解悟。其溫室者。卽身是也。所以燃智慧火。溫淨

戒湯。沐浴身中。真如佛性。受持七法。以自莊嚴。當爾比丘。聰明上智。皆悟聖意。如說修行。功德成就。俱登聖果。今時衆生。莫測其事。將世間水。洗質礙身。自謂依經。豈非誤也。且真如佛性。非是凡形。煩惱塵垢。本來無相。豈可將質礙水。洗無爲身。事不相應。云何悟道。若欲身得淨者。當觀此身。本因貪欲。不淨所生。臭穢駢闐。內外充滿。若也洗此身求於淨者。猶如澣澣盡方淨。以此驗之。明知洗外非佛說也。問。經說言至心念佛。必得往生西方淨土。以此一門卽應成佛。何假觀心。求於解脫。答。夫念佛者。當須正念了義爲正。不了義爲邪。正念必得往生。邪念云何達彼。佛者覺也。所謂覺察身

心。勿令起惡。念者憶也。所謂憶持戒行。不忘
精進勤了。如是義。名為念。故知念在於心。不
在於言。因筌求魚。得魚忘筌。因言求意。得意
忘言。既稱念佛之名。須知念佛之道。若心無實
。口誦空名。三毒內臻。人我填臆。將無明心不
見佛。徒爾費功。且如誦之與念。義理懸殊。在
口曰誦。在心曰念。故知念從心起。名為覺行之
門。誦在口中。即是音聲之相。執相求理。終無
是處。故知過去諸聖所修。皆非外說。唯只推心
。卽心是衆善之源。卽心爲萬德之主。涅槃常樂
。由息心生。三界輪迴。亦從心起。心是一世之
門戶。心是解脫之關津。知門戶者。豈慮難成。
知關津者。何憂不達。竊見今時淺識。唯知事相
爲功。廣費財寶。多傷水陸。妄營像塔。虛促人

夫。積木疊泥。圖青畫綠。傾心盡力。損己迷它。
。未解慚愧。何曾覺知。見有爲則勤勤愛著。說
無相則兀兀如迷。且貪現世之小慈。豈覺當來之
大苦。此之修學。徒自疲勞。背正歸邪。誑言獲
福。但能攝心內照。覺觀外明。絕三毒永使銷亡
。閉六賊不令侵擾。自然恒沙功德。種種莊嚴。
無數法門。一一成就。超凡證聖。目擊非遙。悟
在須臾。何煩惱皓首。真門幽秘。寧可具陳。畧述
觀心。詳其少分。而說偈言。
我本求心心自持。求心不得待心知。
佛性不從心外得。心生便是罪生時。
我本求心不求佛。了知三界空無物。
若欲求佛但求心。只這心心心是佛。

達摩大師破相論終

慈山大師醒世歌

紅塵白浪兩茫茫
忍辱柔和是妙方
到處隨緣延歲月
終身安分度時光
休將自己心田昧
莫把他人過失揚
謹慎應酬無懊惱
耐煩作事好商量
從來硬弩弦先斷
每見鋼刀口易傷
惹禍只因閒口舌
招愆多爲狼心腸
是非不必爭人我
彼此何須論短長
世事由來多缺陷
幻軀焉得免無常
吃些虧處原無礙
退讓三分也不妨
春日纔看楊柳綠
秋風又見菊花黃
榮華終是三更夢
富貴還同九月霜

老病生死誰替得
酸甜苦辣自承當
人從巧計誇伶俐
天自從容定主張
諂曲貪瞋墮地獄
公平正直卽天堂
麝因香重身先死
蠶爲絲多命早亡
一劑養神平胃散
兩鐘和氣二陳湯
生前枉費心千萬
死後空持手一雙
悲歡離合朝朝鬧
壽夭窮通日日忙
休得爭強來鬥勝
百年渾是戲文場
頃刻一聲鑼鼓歇
不知何處是家鄉

黃庭真言

紫虛魏夫人作

黃庭真人。劍印隨身。斬關奪隘。風火雷霆。泥丸上將軍。統領九部神。湧海下將軍。統領九部神。神威正將軍。統領九部神。丹元中將軍。統領九部神。神威正將軍。統領九部神。

領九部神。四九三十六。各按本宮營。真人有命。
。速速來臨。聽吾號令。守衛黃庭。一不許妄動。
。二不許妄行。三不許驚恐。四不許張聲。各列
斧鉞位。各防邪魔精。清清淨淨。鬱鬱冥冥。雷
聲一震。大顯威靈。帶虎符。佩龍文。奪三關。
心太平。吾奉太上老君。急急如律令。
真言一篇。乃身中真言。非口裏真言也。師徒受
籙之時。焚香承受。得聞妙音。必能召集身中之
神。號令身中之氣。奪三關而心太平。則還丹大
事畢矣。妙哉。

百
字
碑

呂祖百字碑

養氣忘言守
降心爲不爲
動靜知宗祖
無事更尋誰
眞常須應物
應物要不迷
不迷性自住
性住氣自回
氣回丹自結
壺中配坎離
陰陽生返復
普化一聲雷
白雲朝頂上
甘露洒須彌
自飲長生酒
逍遙誰得知
坐聽無弦曲
明通造化機
都來二十句
端的上天梯

問道章

問道

道德乾坤祖 陰陽是本宗 天魂生白虎

此魄產青龍 運轉泥丸住 搬精入上宮

有人明此法 萬載貌如童

龍虎

性定龍歸海 情忘虎隱山 性情收拾了

真火透玄關

正一

心裏不邪謂之正 無中生有謂之一

道士

道爲天地之主 士爲萬物之宗

道人

包羅天地謂之道 體在虛空謂之人

先生

諸法皆由我
雲遊不染塵
古今無遍數
豈不是先生

出家

一塵不染是出家
莫作非爲是生涯
有人問我修行事
雨散雲開月自華

全真

常行祖師教
日習太上經
煉就真如性
豈不是全真

稽首

稽首稽首
本是天長地久
長生不朽

道冠

一雙鳳眼觀前後
萬法收來在內藏
七寶玲瓏皆有跡
崑崙山上放毫光

唐巾

道袍

唐巾不是古來巾
呂祖流傳到至今
一對連環分日月
兩條飄帶掃浮雲

腰帶

袍服原來不計春
寬宏廣大裹乾坤
紅塵半點何嘗染
暑寒任是亦難侵

蓬頭

九龍同貫一絲滌
道教威儀常繫腰
鎖住心猿並意馬
免迷本性入浮囂

丫髻

蓬頭原是古家風
一法流傳萬法通
放下絲毫無垢礙
自然一性合浮空

丫髻原是鍾離譜
崑崙崙崙頂上振日頭
修行皆服長生水
笑煞愚人白了頭

草履

草履千莖結自然
三山五嶽任流連
逍遙不踏繁華地
行滿生雲上九天

棕扇

寶扇原來一片棕
等閒搖曳萬緣空
任他魔怪並邪妖
藉此輕翻永滅跡

瓢鉢

瓢化千家飯
孤身萬里遊
爲求不老計
普渡遍千秋

蒲團

蒲團結來圓又圓
修行打坐有根緣
三千功滿丹書詔
一炁來騰上九天

楸枰

舉起頂天立地
橫擔日月山河

道童

撥開乾坤骨體
轉去萬丈森羅

衲頭

道童原來古道風
爲因凡世出塵籠
如今意在雲霄外
萬法無名四海通

葫蘆

千針百線幾人修
無暑無寒不計秋
袖裏靈丹携一點
管教誇鶴上瀛洲

靈丹

三寸葫蘆半折腰
蓬萊山上有根苗
五湖四海滄江去
不足葫蘆一汲消

菱袋

火養靈丹本自然
坎離交媾在中田
功完服食飛昇去
便是長生不老仙

三尺縱橫布 誰知造化工 內藏諸法寶
包裹太虛空

雲水

心似白雲常自在 意如流水任西東
水清雲散乾坤靜 一輪明月正當空

鉛汞

心火下降謂之鉛 賢水上昇謂之汞
能遣二物歸黃道 結成金丹宜保重

巖瓢

此瓢本是聖人留 顏回未用自藏收
如今得付道人手 天地乾坤一瓢收

善人

諸惡莫作謂之善 性體皆空謂之人

居士

性

清靜法身謂之居 萬法皆空謂之士

命

皮是包帶 骨是撐袋 筋是穿袋 血是貫帶

品德行

性玄命在陰一晝一夜共三千六百息無有暫停
定一時奪天地陰陽之造化息半刻臻百世之遐
齡人能到此真一息定百病消除飢渴自無矣

性道

爲品爲德有其品然後有其德
行故曰品德行

道者覺路也使人歸於覺路而出迷途也學道先
煉性蓋性本先天之物夫性與情連性情發動如
龍虎之猖狂若不煉之使其降伏焉能去其猖狂

而歸於虛無也煉性之道不識不知無人無我煉
之得法降龍伏虎之道既行又必須鎖心猿拴意
馬使歸於靜定靜定之功能奪天地造化陰陽妙
理能靜則萬慮俱消能定則一念不萌順而行之
爲凡逆而行之爲仙一絲不掛一塵不染此乃道
之大畧更有深奧不可名狀只可心領意會先天
者渾沌一氣也無色無聲不識不知有言所似便
非先天但言先天有所似卽着於相也一着於相
便失先天之理便失先天之體

問道章終

呂純陽祖師訓示

簾外輕車竟日馳
門前過客欲何之

乾坤瀕洞勢難已。默默無言低首思。
蓋自天開地闢。已忘其年。有史以來。數千
年而已。古代文化未啓。民生渾噩。幾與禽獸爲伍。
及後日漸昌明。民智愈進。而機巧亦隨至。而增
。道德仁義漸替。而禮隨興。大偽隨至。芸芸衆
生。巧取豪奪。持強凌弱。遂使莽莽塵寰。幾無寧
日。此去彼來。同出一轍。倚欄觀之。簾外車馬
如流。行人熙攘。其所爲者何。曰名曰利而已。
能進吾門者。細心思量。應可洞見其況。爲獨惜
者。有等身在道中。而心仍外馳。爲利鎖名韉所
困。惶惶然無以終日。貪得無厭。以是纏絆其心
。何以修爲。道不言名利。惟法自然。天地作育
萬物。生也養也。向無或缺。而衆生自作多孽。
乃至紛擾不停。報應不爽。是以爭奪殺戮相隨。

若非早日回頭向善。積重更難求反。是以云。湏洞乾勢難已矣。吾等衛道研玄。將何以自適。余不欲多言。而非無言。檢點往日所示篇牘。分明已言之甚詳。但能參悟。身體力行。則無勞低首苦思矣。

註：湏音永謂相連無涯際貌也

福星編後言

九層之臺起於累土
千里之行始於足下

太上之言慎功之道

岳忠

深願福星比福世
喚得世人道心回
共赴慈航
同登覺岸

倘如 承蒙 翻索 印閱
行之者 傳之者 功

更當 表即 歡奉 迎贈
證印 之者 壽德

香港贈送處：

香港九龍鑽石山荷里活廣場二樓 207 鋪

電話：二三六六零三八九

傳真：二三六九零六一四

抱道堂 香港北角書局街廿三號十八樓

電話：二五六三二六七四

仁楓洞 荃灣眾安街一佰一十號三樓

電話：二四九二二零零二

雲鶴山房 香港鰂魚涌濱海街七十六號二樓

電話：二五六五五五九零

省善真堂 香港九龍律倫街七—八號

電話：二三三六九七一五

加拿大

贈送處：

TORONTO TAOIST

LUK HOP SING TONG HALL,

7, D'ARCY STREET, TORONTO, ONT.

M5T 1J8, CANADA

多倫多市中心

華埠達士街七號地下

多倫多道教六合聖堂

TEL: 416-597-9609

加拿大善士名榜

何仁純

伍佰加元

霍志霞

壹佰加元

談蝦蓮

四佰加元

周淑群

壹佰加元

何仁仁

叁佰加元

楊惠琪

壹佰加元

余文儁

壹佰伍拾加元
陳霞芳

伍拾加元

何仁本

壹佰加元

何汝光

壹佰加元

霍嘉純

壹佰加元